

MU KUKHALAPO KWAKE

 Zikomo inu, M'bale Neville, Ambuye akudalitseni inu mochuluka kwenikweni.

Ndipo usiku wabwino, abwenzi. Ndi mwayi waukulu kubwerera kuno mu nyumba ino usikuuno, ndi kudzamverera Kukhalapo kosalephera konse kwa Ambuye wathu, pamene Iye akupereka lonjezo. Ndipo tsopano, ine ndikudziwa kuti ambiri a inu mwatsalira chifukwa cha Uthenga wawung'ono usikuuno, chimene ine ndiri wothokoza kwambiri. Ndipo ambiri a inu mukuyenera kuyendetsa kutali apobe usikuuno, kuti mukafike kunyumba. Ena mwatuluka mmahotelu anu, monga ine ndamvera. Ndipo ife tiyesetsa kuti tisakusungeni inu motalika, koteru ndi chifukwa chake ife tabwera molawirira kuti ife tikhoze kuchokapo molawirira.

² Ndipo tsopano ife, mwamsanga momwe ine ndingathere, ine ndilengeza pamene ife titi mwinamwake tiyambire, Ine ndakhala ndikuimbiridwa kwina masana ano, kudziwa pamene ife titi tiyambe pa mabukhu awa, kapena mitu iyi. Ndipo ine ndikuganiza, ngati Ambuye alola, ine ndikufuna kuti ndidzatenge, nthawi yotsatira yomwe ife titi tidzayambe, pa Zisindikizo Zisanu ndi Ziwiri za Chivumbulutso, ndi zisindikizo zisanu ndi ziwiri zakuthupi. Ndipo, kenako ngati ife tidzatsirize mu nthawi yake, tidzatenga zisindikizo zisanu ndi ziwiri za kuchikutiro kwa Bukhu, mwaona. Tsopano, zimenezo zikhoza kudzatenga kanthawi pang'ono. Mwaona, pali zisindikizo seveni zimene zatsegulidwa; pali miliri seveni, malipenga seveni, ma seveni onsewo; ndipo zisindikizo zimenezo ife tikhoza kudzazitenga poyambirira. Komano kuchikutiro kwa Bukhu ndi kosindikizidwa ndi zisindikizo zisanu ndi ziwiri. Daniele anamva maliwu, mabingu, ndipo analetsedwa kuti alembe zimenezo. Yohane analetsedwa kuti alembe zimenezo. Koma izo zinasindikizidwa kuchikutiro kwa Bukhulo, ndiko kuti, zitachitika kuti zinsinsi zonse za Bukhu zaperekedwa ndi kuwululidwa. Inu mukuzindikira Danieli ananena pamene, "Zinsinsi mu masiku a maliwu awa, chinsinsi cha Mulungu chiyenera kufutukulidwa podzafika nthawi imeneyo." Mwaona, "chinsinsi," yemwe Mulungu ali, momwe Iye anasandulikira thupi, zinthu zonsezi ziyenera kufutukulidwa podzafika nthawi imeneyo. Ndiyeno—ndiyе ife tidzakhala titakonzekera Zisindikizo Zisanu ndi Ziwiri kuchikutiro kwa Bukhu, zimene sizinaululidwe nkomwe kwa munthu, osati ngakhale kulembewa mu Baibulo, koma izo ziyenera kudzakhala ndendende basi zikufanizidwa ndi Baibulo lonselo, ndipo ine ndikuganiza icho chidzakhala chinthu chachikulu.

³ Chotero tsopano ife tiyesetsa kuti tifulumire kuti timalizitse. Ndikuthokoza aliyense wa inu chifukwa cha kukoma mtima kwanu ndi kupezeka kwanu, ndi—ndi zonse zomwe inu mwachita, ife tikukuthokozani inu kwambiri. Ndipo tsopano ine—ine ndikudalira kuti ife sitikusungani inu motalika kwambiri usikuuno, chifukwa ndinu opirira kwambiri kukhala, kuimirira. Mkazi wanga ananena kumbuyo uko, iye amayankhula za usiku wathawu, iye anati, “Ine ndinawawona akazi omwe anali onenepa kwambiri, atayima pamenepe, ndipo zovala zawo zikunyowa, atayima pamenepe, akungogwira Mawu aliwonse.” Ndi chifukwa chake ine ndimakonda kukhala pansi pa kudzoza kwa Mzimu Woyerwa, kuti pamene iwe ukutulukirako iwe ukukawauza anthu amenewo Choonadi chenicheni, mwaona, ndipo basi osati chirichonse koma Choonadi. Ndiyено iwo akhoza kuhazikika pa Icho ndipo nkukhala zabwino.

⁴ Tsopano ine ndikufuna ndikupempheni chipepeso chanu kwa mphindi pang'ono. Ine ndinanyamuka molawirira pang'ono mmawa uja. Ndipo matepi azimitsidwa pa nthawi ino, ndipo ine—ine basi mu kamphindi ndiwauza ojambula nthawi yoyatsira tepiyo. Ine ndikufuna kuti nditsirizitse *Kuwerenga Chotsitsa*, maminiti asanu kwa izo, ine ndisanachoke. Ine ndinayiwala ndipo ndinachokapo, ine ndinangotengeka kwambiri mmawa uno mpaka ine ndinangotuluka wopanda kunena kalikonse za izo. Koma, ine ndinakhala ngati ndinakusiyani inu, “Kodi kuwerenga chotsitsa ndi chiyani?” Mukuona? Ine ndikudziwa ife tiri mu kuwerenga chotsitsa, koma kuwerenga chotsitsa ndi chiyani? Mukuona? Ngati inu simukudziwa kuti kuwerenga chotsitsa ndi chiyani, ndiye kuti musokonezekwa. Ndipo chotero ine—ine ndikufuna kuti—kuti ndibweretse zimenezo, basi, ndipo ndiyesetsa kuti ndikhale mu kamvekedwe komweko kamene ine ndimati nditsirize nako tepi iyi pakali pano, kuti tepiyo izipita, *Kuwerenga Chotsitsa*. Tsopano inu nonse mundikhululukira ine kwa mphindi yokha, ndipo ine ndikufuna kuti nditsirize tepi imeneyo. Kodi inu mungachite zimenezo kwa mphindi yokha, kenako ife tiyamba pa inayo? [Osonkhana akuti “Ameni.”—Mkonzi]. Ndipo tsopano—tsopano zojambulira matepi, ngati mungathe, khethemulani pa tepi yanu tsopano. [Malo osajambulidwa pa tepi—Mkonzi].

[M'bale Branham akufotokoza mu ndime 4-5 kuti analowetsamo gawo limene linasowa ili mu ulaliki wake wa mmawa mutu wake *Kuwerenga chotsitsa*, monga ndime 106-111—Mkonzi].

⁵ Ndikungobwera kuchokera kumalo osiyanasiyana, ndipo takhala tiri ndi nthawi yabwino mmauthenga atatu athawa, za kuyankhula pa mutu wa—wa ziphunzitso zosiyanasiyana ndi zina zotero zimene taziika. Ine ndikungokumbukira pa nthawi ino ine ndiyenera kupereka kadanga pang'ono mmenemo, anthu

inu pa tepi, kuti musinthe matepi anuwo. Ine ndikuuzani inu ndikakonzeka kuti muyatse. Chabwino. Tsopano, ine ndiyenera ndipenyesetsetse izi. Izo zikuwoneka ngati gulu la odzipangitsa mwachizolowezi, koma anyamata amenewo ayenera kuti adzaipeze tepiyo. Ndipo iwo sangakhoze kuzisokoneza zonsez; ngati iwo atero, anthu kunja uko sadzamvetsa izo. Kotero ife tiyenera kuzitenga izi mwanjira iyi. Ndipo ngati wina angotuluka mchipindamo ndi kundilozera ine pamene, Junior, pamene iwo akonzeka kuti matepi adutsane. Zikomo kwambiri, amzanga, ine ndikunenanso, chifukwa cha kukoma mtima kwanu konse ndi chirichonse. Chabwino, ife takonzeka tsopano, inu mukhoza kuyatsa iwo.

⁶ Ambuye akudalitseni inu. Ndife okondwa kukhala tiri muno mu kachisi kachiwiri usikuuno. Malowa adzazana ndi anthu ambiri ayima mozungulira kenanso usikuuno, ndi masiku atatu... kapena nthawi zitatuz za msonkhano. Ine ndingakonde ngati aliyense angadzamvetsere tepi iyi, kuti iwo adzafune kudzabwerera ndi kudzatenga tepi ya usiku wathawu. Mudzakaitsatire iyo kwanu. Ndiyo—pamene utumiki wafika umene Ambuye andipatsa ine. Makamaka ndikufuna kuti azitumiki akamvetsere iyo ine ndisanakawachezere mmatchalitchi awo ndi kubwera mmayumba mwawo. Tsopano ine ndikufuna kuti iwo kuti—kuti ayipeze iyo. Tsopano, mmawa uno ife tinayankhula pa phunziro la *Kuwerenga chotsitsa*, Mpingo wakonzeka kuti uzipita.

⁷ Ndipo tsopano usikuuno, Mulungu akalola, ife tikuyankhula pa phunziro la *Mu Kukhalapo Kwake*. Ndipo, oh, momwe ife tikumuthokozena Mulungu chifukwa cha mwayi kuti ife tikhoza kubwera mu Kukhalapo Kwake. Koma, choyamba, ine ndikukhumba inu nonse kuti mutembenuze mu Mabaibulo anu ndi ine kwa mneneri Yesaya, mutu wa 6 wa mneneri Yesaya. Ife tonse tikudziwa kuti Yesaya anali mneneri wamkulu, ndi mmodzi wa aneneri aakulu a tsiku lake. Iye anatsirizitsa moyo wake pochekedwa pakati ndi macheke, chifukwa cha umboni, ngati wofera ku mphamu ya Mulungu Wamphamvuzonse. Mu Bukhu la Yesaya, mutu wa 6, ine ndiyambira pa ndime ya 5, kuwerenga. “Kenako ine ndinati, ‘Watsoka ndi ine!’ Pakuti...” Mwinamwake ndiyambe ndi ndime ya 1. Ndikhululukirenine kamphindi. Tiyeni tiyambire pa ndime ya 1 ndi kuwerenga mpaka pafupifupi ndime ya 8.

*Mchaka chimene mfumu Uziya anafa ndinawonanso
Yehova atakhala pa mpando wachifumu, wapamwamba
ndi wotukulidwa, ndipo mwinjiro wake unadzaza
mkachisi.*

*Pamwamba pake panayima aserafi: aliyense anali
ndi mapiko asanu ndi limodzi; ndi awiri anaphimbira
nkhope yake, ndi awiri anaphimbira mapazi ake, ndipo
ndi awiri iye anaulukira nawo.*

Ndipo wina anafulula kwa mzake, nati, Woyeria, woyeria, woyeria, AMBUYE Mulungu wa makamu: ndipo dziko lapansi lonse ladzala ndi ulemelero wake.

Ndipo ziwundo za chitseko zinasuntha pa liwu la iye amene anafulula, ndipo nyumbayo inadzazidwa ndi utsi.

Pamenepo ine ndinati, Watsoka ndi ine! pakuti ndathedwa; chifukwa ndine munthu wa milomo yonyansa, ndipo ine ndikukhala pakati pa...anthu a milomo yonyansa: pakuti maso anga awona Mfumu, AMBUYE wa makamu.

Kenako mmodzi wa aserafi anawulukira kwa ine, ali ndi khala lamoto mdzanja lake, limene iye analitenga ndi zopanira kuchokera pa guwa:

Ndipo iye anadzaika ilo pakamwa panga, ndipo anati, Taona, ili lakhudza milomo yako; ndipo mphulupulu zako zachotsedwapo, ndipo tchimo lako layeretsedwa.

Pameneponso ine ndinamva liwu la Ambuye, likuti, Ndani yemwe Ine nditi ndimutume, ndipo ndi ndani ati atipiture ife? Pamenepo ine ndinati, ndine Pano; nditumeni ine.

⁸ Ambuye adalitse Mawu Ake. Ine ndikuganiza ilo ndi Lemba lohudza kwambiri. Ife tikupeza kuti, mu Kukhalapo kwa Mulungu, anthu amadzizindikira okha kuti ndi ochimwa. Ife tikhoza kumamverera bwino pamene tiri kunja ku malo osiyanasiyana, ndi kumamverera ngati kuti ndife anthu abwino kwambiri, koma pamene ife tibwera konse mu Kukhalapo kwa Mulungu, ndi ife timadziwona mmene tiriri aang'ono.

⁹ Nditalima osati kale kwambiri ndi a—mzanga wa ine amene ndinali ndi mwayi womutsoglera kwa Khristu, Bert Call, uko mu New Hampshire, mzanga wosaka naye, ife tinali titayima pafupi ndi Cold Brook Falls uko mu Adirondack, ndipo awo anali mathithi aakulu kwambiri. Ine ndinatengera banja langa chaka chatha kumeneko kuti ndikawawone iwo. Kotalikirana kwambiri ndi msewu, iwe umayenera kukwera mobwerera kuti ukafikeko kumeneko. Ndipo pamene ife tinawawona madzi a buluu-obiriwira amenewo akugwa mwaphamvu chomwecho kuchokera mmapiri, ndi kumakhuthukira pansi pa miyala, Bert anayima pamenepo ndipo anayang'ana pa ine, ndipo iye anati, "Gee, Billy, zimenezo zimampangitsa munthu kumverera wochepa kwambiri," iye anayeza pafupifupi kota ya inchi pa zala zake. Ndipo ine ndinati, "Ndiko kulondola, Bert." Tsopano, izo zinali zonse zomwe iye ankazidziwa za kulowa mu Kukhalapo kwa Mulungu, kuti awone chirengedwe Chake.

¹⁰ Ine ndikudabwa munthu yemwe analemba *Ndinu Wamkulukulutu*, ngati iye sanayang'anee mmwamba usiku umodzi ndi kuyang'ana pa nyenyezi, momwe izo zatalikirana kutali! Miyezi ingapo yapitayo, M'bale Fred, M'bale Wood ndi

ine, tinali titaima ndi M'bale Mc Anally uko mu chipululu cha Arizona, ife tinali kuyeza, kuyesera, nyenyezi imodzi, momwe iyo inaliri yoyandikirana ndi imzake. Ndipo ndi mamillioni ndi mabilioni a mailosi kutalikirana kwake, izo sizimawoneka kupidirira kota ya inchi kuchokera kwa ina ndi imzake. Ndiye ife tinayamba kulingalira, molingana ndi umboni wa sayansi wa izo, nyenyezi zimenezo mwinamwake ndi zotalikirana kwa ina ndi imzake kuposa momwe ife tiriri kwa izo. Mukuona momwe izo ziliri?

¹¹ Ndiye ife timazindikira momwe ife tiriri ochepta tikazindikira momwe Iye aliri wamkulu, ndi momwe ife timafikira moyandikira pobwera mu Kukhalapo Kwake. Mwanjiraina kapena imzake, izo nthawizonse zimaponyera kukhudza kwakukulu pa anthu kuti abwere mu Kukhalapo kwa Mulungu. Ine ndawonapo nthawi mu utumiki wanga imene iwe umakhoza kuwona Kukhalapo kwa Mulungu kukubwera mu malo oterowo kuti iko kumakhoza kumubweretsa munthu mmwamba ndi kungowulula moyo kwa iwo, ndi kutchula machimo awo a mitundu yonse ya makhalidwe oyipa, ndipo izo zimabweretsa bata lopatulika loterolo pakati pa anthu mpaka iwo amachokapo mu mzere wa pemphero iwo asanabwere konse kuti adzapemphereredwe, ndi kuthamangira ku guwa ndi kukakonzana ndi Mulungu iwo asanabwere mu Kukhalapo Kwake. Mwaona, pamakhala chinachake chokhudza kubwera mu Kukhalapo kwa Mulungu, icho chimapangitsa zinthu kuchitika. Ine ndawawonapo anthu atagona mmachira ndi mzikuku.

¹² Usiku umenewo kumusi uko ku Mexico, pamene mwana wamng'ono wakufa uja atagona pansi pa bulangeti, amene mayi wamng'ono wachi Spanish uja anamubweretsa, kapena mayi wamng'ono wachi Mexico, kani, anamubweretsa. Pamene iwo anawona, masauzande angapo a anthu amenewo anawona, mwinamwake fifite kapena sevente-faivi sauzande pa kusonkhana kumodzi, anawona mwana wakufayo ali ndi moyo, akazi anakomoka, anthu anaponyera manja awo mmwamba ndi kumakuwa. Chifukwa chiyani? Iwo anazindikira kuti munthu sakanakhoza kuchita zimenezo, kuti iwo anali mu Kukhalapo kwa Mulungu Wamphamvuzonse. Ndipo izo zinapangitsa chinachake kuti chichitike.

¹³ Ine ndakhalapo ndi mwayi wowamva anthu owopa Mulungu akuyankhula. Zinanenedwapo nthawi ina za Charles Finney, kamunthu kakang'ono kwambiri, sankaleméra kuposa mapaudzi handiredi ndi teni, koma iye anali ndi kuyankhula mwamphamvu koteroko mpaka... Iye anali kuyesera zoymbira tsiku lina mnyumba. Iwo analibe zoypankhulira za P.A. nthawi imeneyo. Ndipo apo panali mwamuna anali kukonza, mmwamba pa khonde, kapena mmwamba pa denga la malowo, ndipo iye anamva mwamunayo akubwera, koteri iye samadziwa kuti

iwo anali ndani, iye anangokhala chete. Ndipo Bambo Finney ankati ayesere zoyimbirazo. Atatha nthawi yochuluka mu pemphero la chitsitsimutso chimene iye anali woti achititsa, iye anayesera mawu ake kuti awone momwe iwo angadzayendere. Iye anapita mwachangu pa guwa, ndipo anati, "Lapani, kapena muwonongeka!" Ndipo iye ananena iwo mwamphamvu yotere—mphamvu, atatha kukhala pansi pa kudzoza kwa Mulungu, mpaka bamboyo anagwa kuchokera pamwamba pa khonde, pansi mpaka pa sementi, kapena, kuchokera pamwamba pa nyumbayo, kupita pansi.

¹⁴ Iye analalikira Uthenga mwanjira imeneyo mpaka iye anayima mu Boston, Massachusetts, mu ka windo kakang'ono kowonjezera, chifukwa kunalibe tchalitchi chimene chikanakhoza kunyamula unyinji wake. Ndipo iye anayima pamene po ndi mphamvu yamphamvu imeneyo, ndipo analalikira gehena ku malo oterowo, mpaka munthu wogwira ntchito ali ndi madengu awo mmanja mwawo, anadzagwera mu msewu ndi kukuwa kufuna chifundo. Mu Kukhalapo kwa Mulungu! Alaliki aakulu amene akhala okhoza, mwa Mawu a Mulungu, kubweretsa Kukhalapo kwa Mulungu kwa omvetsera. Zikhale kutali kuti munthu angakhale wositidwa konse chomwecho mmitima yaho mpaka iwo sangakhoze konse kuzindikira Kukhalapo kwa Mulungu. Zikhale kutali!

¹⁵ Pamene munthu woyamba, mwamsanga pamene iye anachimwa ndi kuchita chinachake cholakwika, ndipo pamene Mulungu anadzabwera pamaso pake, kapena, iye anabwera mu Kukhalapo kwa Mulungu, "Adamu," iye samakhoza kuyima mu Kukhalapo kwa Mulungu. Iye anathamanga ndipo anakadzibisa yekha mchitsamba ndipo anayesera kuti adziphimbe yekha ndi tsamba la mkuyu, chifukwa iye anadziwa kuti iye anali atayima mu Kukhalapo kwa Yehova, Mlengi. Umo ndi mmene munthu woyamba anachitira, iye atachimwa kale ndipo anayesera kuti abwere mu Kukhalapo kwa Mulungu ali ndi tchimo pa moyo wake. Iye sakanatha kuti abisale, chifukwa iye anali akanali wanthetebi. Tchimo linali lisaganagwiritsitse monga momwe lazikira mizu mmitima ya anthu lero, koma iye ankadziwa kuti iye anali ataima pamaso pa Mlengi wake. Tsopano, iye anali atadzibisa yekha mtchire ndipo samatha kuti atuluke, ndipo samatha kutuluka kufikira Mulungu anamupangira iye chikonzeretso.

¹⁶ Ife tikhoza kubwerera mmbuyo, ndi kukatenga mu Genesis mutu wa 17 ndi ndime ya 3, pamene mbadwa yaikulu, Abrahamu, pamene iye anadzabwera mu Kukhalapo kwa Mulungu, ndipo Mulungu anayankhula ndi iye (mu mutu wa 17) mu Dzina la Mulungu Wamphamvuzonse, Abrahamu anagwa pa nkhope yake. Mbadwa yaikulu ija, wantchito wa Mulungu, sakanakhoza kuyima mu Kukhalapo kwa Mulungu, ngakhale anali atamutumikira Iye kwa zaka twente-faivi, mokhulupirika.

Koma pamene Mulungu anadzasunthira mu kukhalapo kwake, mbadwayo inadzagwa pa nkhopo yake chifukwa iye sakanakhoza kuyima mu Kukhalapo kwa Mulungu.

¹⁷ Mu Eksodo 3, ife tikupeza kuti Mose, wantchito wamkulu ndi mneneri wa Mulungu, pamene iye anali kumbuyo kuseri kwa chipululu, munthu ameneyo anali munthu woyerwa. Iye anali atabadwira cholingacho. Iye anabadwa kuchokera mmimba mwa amayi ake kuti adzakhale mneneri. Iye anayesetsa kuti apeze maphunziro ake ndipo anachita chirichonse chimene iye akanatha kuti awawombole anthu ake, chifukwa iye ankamvetsa kuti iye amayenera kuti awawombole anthu ake, koma, pamene iye anazimvetsa izo mwa kamvet sedwe ka fiolejo. Iye anaphunzitsidwa. Iye anali wophunzira bwino. Iye amatha kuwaphunzitsa Aigupto nzeru, amene anali anthu anzeru kwambiri padzikolo lapansi. Iye ankadziwa zonse zolowa ndi zotuluka. Iye ankadziwa Lemba kuchokera ku A mpaka Z. Iye ankadziwa malonjezo amene Mulungu anali atawapanga. Iye ankawadziwa iwo kuchokera ku kamvet sedwe kaluntha. Ndipo iye anali a—a msirikali wamkulu. Koma tsiku lina kuseri kwa chipululu, pamene iye anadzabwera mu Kukhalapo kwa Mulungu, iye anakutumula nsapato zake ndipo anagwa—pa mapazi ake, podziwa kuti iye anali pa malo oyera. Iye sakanakhoza kuyima pa mapazi ake pamene iye anabwera mu Kukhalapo kwa Mulungu, iye anagwa pa nkhopo yake monga Abrahamu anachitira. Iye sakanakhoza kuyima mu Kukhalapo kwa Mulungu.

¹⁸ Mu Eksodo 19:19, pamene anthu osankhidwa a Mulungu kuyambira kale mmasiku a Abrahamu, kuchokera kwa Abrahamu kunadzabwera Isaki, Isaki kunadzabwera Yakobo, kuchokera mwa Yakobo kunadzabwera mbadwazo, ndipo zaka pambuyo pa zaka anadzakhala amuna oyera, amuna opambana, anthu osankhidwa, fuko losankhidwa, anthu oyeretsedwa, oyera, ndipo anali atamutumikira Mulungu moyo wawo. Ndipo tsiku lina Mulungu anati, “Sonkhanitsani Israeli kunja kuno, Ine ndiyankhula nawo iwo.”

¹⁹ Koma pamene Mulungu anadzatsikira pamwamba pa phiri la Sinai, ndipo phiri lonse linayaka moto, ndipo utsi unali kuwuluka kuchokera mmenemo ngati ng’anko, ndipo Liwu la Mulungu linabangula, Israeli anagwa pa nkhopo yake ndipo anati, “Mulole Mose ayankhule, ndipo osati Mulungu, kuchitira kuti tingafe.” Munthu, mu Kukhalapo kwa Mulungu, amazindikira kuti iye ndi wochimwa! Komabe iwo anali, mmodzi aliyense, wodulidwa monga mwa Chilamulo. Iwo anali atanyamula malamulo ndi chirichonse, koma pamene Mulungu anadzayankhula ndipo iwo nkusunthira chokwera mu Kukhalapo Kwake, iwo anazindikira kuti iwo anali kunja, iwo anali—iwo sanali abwino, panali chinachake chimene chinkaperewera, chifukwa iwo anali mu Kukhalapo kwa

Mulungu. Inde. Ndipo iwo anati, "Mulole Mose aziyankhula, ndipo osati Mulungu, pakuti ngati Mulungu ayankhula ife tonse tifa. Mumulole Mose aziyankhula ndi ife."

²⁰ Munali mu Luka 5:8, kuti pamene Petro...oh, pamene iye anali munthu wamakan i kwambiri, ndi munthu wachikoka chachikulu, mphamvu yaikulu imene ife tikuimvetsa. Iye anali ngati womenya amzake, nsodzi wodziwika. Koma pamene iye anawona chozizwitsa cha Mulungu chikuchitidwa ndi Munthu wamba, anawoneka ngati, chimene iye anazindikira pa nthawi imeneyo kuti zimenezo zimatengera woposa munthu kuti aponyere nsomba zonsezo mu ukonde kumene iye, ndi maphunziro ake onse, chidziwitso chake cha usodzi, anali atawedza usiku wonse ndipo sanaphe ngakhale kanthu. Koma iye anamumva Winawake akuti, "Ponyerani ukonde wanuwo."

²¹ Ndipo pamene iye anayamba kukoka, iye anali ndi unyinji waukulu wa nsomba, ndipo iye anazindikira kuti iye anali munthu wochimwa. Ndipo iye anati, "Chokani kwa ine, O Ambuye, pakuti ndine munthu wochimwa." Ndani ananena zimenezo? Petro Woyeru, mu Kukhalapo kwa Mulungu, anapempha kuti Mulungu achoke mu kukhalapo Kwake, chifukwa iye anazindikira yekha kuti ndi wochimwa.

²² Abrahamu anadzizindikira yekha "wolakwa." Adamu anadzizindikira yekha kukhala "wolakwa," yemwe anali mwana wa Mulungu, anadzizindikira yekha kukhala "wolakwa." Mose anadzizindikira yekha kukhala "wolakwa." Israeli, monga mpingo ndi fuko, anadzizindikira okha "wolakwa." "Chokani kwa ine, pakuti ndine munthu wochimwa." Iye sanayese kunena kuti, "Tsopano, ndine woyeru ndi woyenera kulandira izi." Iye anati, "Ndine munthu wochimwa."

²³ Nthawi ina munthu wodzitcha wachipembedzo, ndi fioloje yonse yomwe iye akanakhoza kuiphunzira pansi pa m'phunzitsi wamkulu wotchedwa Gamalieli, dzina lake anali Saulo wa ku Tariso, amene ife timamudziwa monga Paulo, wachipembedzo kotheratu. Iye ankadziwa zolowa zonse ndi zotuluka mu chipembedzo chawo. Iye anali M'farisi wa Afarisi, ndi M'hebri wa Ahebri. Iye anali munthu wodziwika, sikolala, wanzeru, wothyathyalika, wophunzira, ankadzinenera kuti iye ankamudziwa Mulungu kuyambira ali mwana. Koma tsiku lina pa ulendo wake waku Damasiko, Lawi la Moto lija linawalira pa iye ndipo iye anagwera pa wake...kuchokera kumapazi ake, kugwera pansi, mfumbi, ndipo anati, "Ambuye, kodi Inu mukufuna kuti ine ndichite chiyan?" Maphunziro ake onse aakulu, maphunziro ake aakulu a fioloje, maphunziro ake onse sanatanthauze kanthu pamene iye anayima mu Kukhalapo kwa Mulungu.

²⁴ Ine ndikufuna ndiyimikire apa miniti ndi kunena kuti ndi chinthu chomwecho. Inu mukhoza kukhala ndi D.D., Ph.D.,

chirichonse chimene inu mungakhale, inu mukhoza kukhala kuti mumapita ku tchalitchi kuyambira pamene inu munali mwana, inu mukhoza kukhala kuti munachita machitidwe onse achipembedzo omwe alipo, koma mukadzakhala kamodzi mu Kukhalapo kwa Mulungu iwe udzazimva wochepa kwambiri ndipo wosawerengedwa.

²⁵ Paulo anazindikira kuti iye amalakwitsa, ndipo iye anagwera pa nthaka, pansi pa kukopa ndi Mphamvu. Pamene iye anayang'ana mmwamba ndipo namuwona Mulungu yemweyo yemwe iye anakhala akumulalikira, ndipo...motsutsa, ndipo ankaganiza kuti ankadziwa, ndipo anawona kuti iye anali wolakwa, iye anagwa kuchokera kumapazi ake, mpaka pansi, chifukwa iye anali mu Kukhalapo kwa Mulungu. Iye analiwona Lawi la Moto limenelo.

²⁶ Nanga bwanji Yohane Woyerwa wamkulu wa Chivumbulutso 1:7, pamene iye anawonetsetwa masomphenya, ndipo anayang'ana, ndipo anamva Liwu likuyankhula kwa iye? Ndipo iye anatembenuka kuti aliwone Liwu, ndipo iye anawona zoyikapo nyali zisanu ndi ziwiri zagolide. Ndipo Mmodzi anaimirira pakati pa zoyikapo nyali zisanu ndi ziwiri zagolide, ali ndi tsitsi ngati ubweya wa nkhosa, maso ngati malawi amoto, mapazi ngati mizati yamkuwa, Iye anamanga lamba wa golide kuzungulira pa mabere, ndipo Iye ankatchedwa Mawu a Mulungu. Ndipo pamene Yohane Woyerwa wopambana anali atayenda ndi Khristu, kutsamira pa chifuwa Chake, pamene iye anachita zinthu zonse izi! Monga ine ndinanena mmawa uja, utumiki wa Paulo unaposa uliwonse wa iwo. Apa, Yohane atatha kuyenda ndi Yesu, atayankhula ndi Iye, atagona ndi Iye, atadya ndi Iye, koma pamene iye anadzamuwona Iye atayima pameneopo, chikhaliidwe chaulemelero chija, iye anati anagwa ngati munthu wakufa pa mapazi Ake. Ameni. Taganizani za zimenezo!

²⁷ Ife tikhoza kubwera ku tchalitchi ndi kuyankhula ndi kutamanda Mulungu, ndi zina zotero, koma, oh, m'bale, pamene ife tidzamuwona Iye akubwera, chinachake chidzakhala chosiyana mmitima yathu! Ife tikhoza kuganiza kuti timachita ntchito yathu yachipembedzo popita ku tchalitchi ndi kupereka zakhumi zathu. Ife tikhoza kuganiza kuti ife timesunga malamulo a mpingo ndi kubwereza tizikhulupiriro tonse, koma kamodzi tiyeni ife tifike poyang'ana pa Iye, chinthu chonsecho chisintha njira yonse mozungulira. Inde, ndi zotsimikizika.

²⁸ Munthu wamkulu uyu, Yohane Woyerwa, munthu wamkulu monga choncho, Baibulo linanena mu Chivumbulutso 1:7, kuti "iye anagwa ngati kuti anali munthu wakufa." Pambuyo pa zaka zitatu ndi theka za chiyanjano ndi Khristu, anali mmodzi wa alembi a Makalata, analemba pambuyo pa Iye, anadya ndi Iye pagome, anagona ndi Iye pakama, ndipo amayanjana ndi Iye kulikonse kumene Iye ankapita, koma pamene iye anapotoloka

kuti amuwone Iye, iye analibenso moyo wotsalira mwa iye. Iye anagwa pansi ngati munthu wakufa, kapena pa nthaka. Chabwino.

²⁹ Ife tikuwona Yesaya, mu Yesaya 6:5, monga ife tangowerenga kumene, mneneri wamkulu wamphamu uyu, iye ndi mmodzi wa aneneri aakulu amene alipo mu Baibulo. Pali Mabuku sikisite sikisi a Baibulo; muli mitu sikisite sikisi mu Yesaya. Yesaya amayambira mu Genesis, pakati pa Yesaya iye akubweretsamo Chipangano Chatsopano, kumapeto a Yesaya iye akubweretsamo Zakachikwi; ndendende basi Genesis, Chipangano Chatsopano, ndi Chivumbulutso. Mwangwiwo! Yesaya anali mmodzi wa aneneri aakulu. Koma tsiku lina iye anali akutsamira pa nkono wa Uziya mfumu yaikulu, Uziya anali atachotsedwa kwa iye, ndipo iye anali pansi. Iye anali munthu wabwino kwambiri wokongola, iye anali munthu wabwino wolungama, ngati mfumu yolungama iyo (mfumu yabwino) inamuzindikira iye kuti ndi munthu woyerwa ndi kumusunga iye mkachisi wake.

³⁰ Yesaya ankawona masomphenya. Iye anali mneneri. Yesaya ankalalikira Mawu. Iye anali mtumiki. Yesaya anali munthu woyerwa. Koma tsiku lina, atayima mu kachisi, iye anagwa mchizimbwizimbwi ndipo anawona Ulemelero wa Mulungu. Iye anawona Angelo ali ndi mapiko pa nkhopo Zawo, mapiko pa mapazi Awo, akuwuluka ndi mapiko, akufuula, “Woyerwa, woyerwa ndi Ambuye Mulungu Wamphamvuzonse!”

³¹ Mneneri ameneyo anazindikira kuti sanali kanthu. Iye anati, “Watsoka ndi ine, pakuti ndine munthu wa milomo yonyansa.” Mneneri, mneneri wamphamu kwambiri wa Baibulo, mmodzi wa iwo. “Ndine munthu wa milomo yonyansa, ndipo ndimakhala pakati pa anthu a milomo yonyansa. Watsoka ndi ine, chifukwa ine ndikuwona Ulemelero wa Mulungu.”

³² Ndipo iye anati, pamene Mngelo uja anafuula, “mizati ya kachisiyo inagwedezeka mmbuyo ndi mtsogolo.” M’bale, izo zikupangani inu... Si mizati yokha ya kachisi yomwe iti igwedezeke, koma miyamba yonse ndi dziko lapansi zidzagwedezeka pamene Iye adzabweranso kachiwiri. Mapiri adzathawa, ndipo nyanja idzazimirira, ndi kukuwa, “Tibiseni ife kwa nkhopo ya Iye amene akukhala pa Mpandowachifumu.” Iyo idzakhala nthawi yowopsya. Ine ndikukuuzani inu, mzanga wochimwa, inu kulibwino mudzifufuze izo. Uko nkulondola.

³³ Tsopano, Yesaya anati, “Watsoka ndi ine, ndine munthu wa milomo yonyansa, ndipo ndimakhala pakati pa anthu odetsedwa. Ndipo ndine, anthu awa ali ndi milomo yonyansa.”

³⁴ Tsopano kumbukirani, ngati amuna oyera oterowo anazidzindikira okha kukhala “ochimwa” mu Kukhalapo kwa Mulungu, kodi wochimwa ndi wopanda umulungu adzachita chiyani pa Tsiku limenelo? Kodi anthu adzachita chiyani

amene amakhala mmisonkhano? Kodi anthu adzachita chiyani amene awona Mphamu ya Mulungu, amene amva kuwerenga chotsitsa pa Mawu, amene amuwona Mulungu akudziwonetsera Yekha, ndipo (kupitirira mthunzi wa kukaikira) Lemba lirilonse likukwaniritsidwa, ndipo adzayeserabe kupita Kumwamba opanda kubadwanso kachiwiri ndi kulandira Mzimu Woyer? Baibulo linati, “Ngati munthu wolungama adzapulumutsidwe moperewera, wochimwa ndi wopanda umulungu adzakawonekera pati?” Ndi malo a mtundu wanji amene ife tidzayimapo ngati ife timamuwona Mulungu akudzfutukula Yekha pamaso pathu pomwe, ndi kuwona Ulemelero wa Mulungu mofanana basi monga amuna amenewo anachitira, ndipo anthu a mtundu umenewo anafula mokweza, aneneri ndi aluntha pa amene Mawu akhazikirapo? Ngati iwo analira, ndi kugwa pa mapazi awo, ndi kukuwa, “Ndine munthu wa milomo yosayera, yosalungama,” ndiye chidzakhala chiyani kwa munthu amene sangavomereze konse machimo ake? Kodi chidzakhala chiyani kwa wachinyamata amene sakuvomereza machimo ake? Kodi chidzakhala chiyani kwa munthu wowuma mtima ameneyo amene amaganiza kuti iye amadziwa zambiri za chirengedwe cha Mulungu kuposa mmene Mulungu amachitira Iyemwini? Kodi chidzachitike ndi chiyani kwa munthu ameneyo yemwe wakhala moyo wake wonse akuyesetsa kuti alitsutse Baibulo? Kodi munthu ameneyo adzakawonekera pati? Taganizirani zimenezo!

³⁵ Uku ndi kulalikira. Iyi ndi nthawi yoti tiwagwedeze anthu. Iyi ndi nthawi imene Mulungu anati idzafika nthawi, Iye anagwedeza Phiri la Sinai nthawi ina koma padzabweranso kugwedeza kwachiwiri, kuti Iye “sadzangogwedeza Phiri la Sinai, koma Iye adzagwedeza chirichonse chimene chingakhoze kusuntha.” Koma kodi inu munazindikira Lemba lonselo? “Koma ife talandira Ufumu umene sungakhoze kusuntha!” Aleluya! Chirichonse chomwe chingagwedezeke chidzagwedezeaka. Miyamba idzagwedezeaka. Dzikolo lapansi lidzagwedezeaka. “Miyamba ndi dziko lapansi zidzachoka, koma Mawu amenewo sadzapita konse. Pakuti pa thanthwe ili Ine ndidzamangapo Mpingo Wanga, ndipo zipata za gehena sizidzawulaka konse Iwo.” Chirichonse chomwe chingagwedezeke chidzagwedezeaka. Koma ife timalandira Ufumu umene uli Mawu a Mulungu Mwiniwake, ndipo Mulungu ndi Mawu Ake. Iye samadzigwedeza Yekha. Amen! Oh, mai! “Koma ife talandira Ufumu wosasunthika,” ndi wosagwedezeaka, anatero Paulo wolemba wa Chihebri.

³⁶ Munthu woteroyo ndi mwamuna woteroyo, nthawi yoteroyo ndi momwe iwo anamverera! Ife tiri nawonso, ifeeni, ife tawuwona Ulemelero wa Mulungu monga amuna awa anachitira. Zedi. Ife taziwona Izo. Ife tawuwona Ulemelero wa Mulungu monga Abrahamu anawuwonera Iwo. Ife tinawuwona

Ulemelero wa Mulungu monga Mose anawuwonera Iwo, Lawi la Moto lomwelo, Mphamu yomweyo ya Mulungu, Khristu yemweyo-...akudziulula Yekha, kudziwonetsera Yekha, akusunga Mawu Ake mu tsiku lotsiriza. Ndiye ife tingakhoze bwanji kubwera pamenepe, ndi kumayenda ndi kumawatenga Iwo mowapepuza kwambiri? Kodi ife tingamayende bwanji ndi kumagwiritsitsa ku tizikhulupiro tathu ndi zipembedzo, ndipo osawatenga Mawu a Mulungu? Kodi chidzakhala chiyani kwa ife pa Tsiku limenelo? Kodi zidzachitika motani ndi ife, pamene ife tidzawuwona Ulemelero wa Mulungu?

³⁷ Anthu ena amayima patali ndipo amawaseleula Iwo, ena amawaseka Iwo, ena amawatcha Iwo zotentheka, ena amawatcha Iwo kuwerenga maganizo, ena amawatcha Iwo Belezebule, ena amawatcha Iwo chinthu chimodzi kapena chimzake. Monga miyambi yakale iliri, “Opusa amayenda ndi nsapato zosongoka kumene Angelo amawopa kupondetsa.” Zoono zimenezo. “Chitsiru chinati mu mtima mwake, ‘Kulibeko Mulungu.’” Pamene iye amuwona Mulungu akuwonetseredwa mwangwiyo chomwecho ndi Mawu Ake Omwe (osati ndi kachikhulupiro; koma ndi Mawu Ake), ndiyeno nkuyenda pa Iwo ndi kumawaseka Iwo, iye ndi chitsiru. Chifukwa, ndizo, Mulungu ndi Mawu, ndipo Mulungu wadzipanga Yekha kumveka kwa iye, ndipo iye ndi “chitsiru,” Baibulo linatero. Kodi chidzakhala chiyani kwa iye pamene adzayenera kuti adzaime pa malo amenewo? Zidzakhala—zidzakhala zoypa kwa munthu ameneyo mu Tsiku limenelo, wopanda umulungu.

³⁸ Ochimwa olapa, komabe, alibe mantha aliwonse. Oh, ayi. Wochimwa yemwe angalape, iye amadziwa kuti pali Nsembe yamagazi ikuyembekezera, kuti idzaime pamalo ake. Ndi chimene chimandipatsa ine chitonthozo. Ine ndawuwona ulemelero wa Mulungu. Ine ndamvererapo mphamu Yake. Ine ndikudziwa kukhudza kwa dzanja Lake. Ine ndikudziwa kukhudza kwa chilango Chake. Ine ndikudziwa kuti Iye ndi Mulungu. Ndipo ine ndikudziwa kuti ine ndathedwa, koma alipo Mmodzi akuima pamenepe kwa ine. Ameni. Alipo Mmodzi Amene akuima pamenepe ndipo akuti, “Atate, ikani mphulupulu zake zonse pa Ine, chifukwa iye anandiyimira Ine pansi pa dziko lapansi.” Aleluya! Kenako ine nkuyenda kupita ku Mpandowachifumu wa Mulungu, molimba mtima, ndiri ndi chisomo mu mtima mwanga, kudziwa kuti si mwa ntchito zabwino, koma mwa chifundo Chake ine ndinapulumutsidwa. Osati zimene ine ndingakhoze kuchita, zomwe ine ndingakhoze kujowina, zomwe ine ndingakhoze kunena; koma ndizo mwa chisomo Chake kuti Iye anandipulumutsa ine.

³⁹ Nzasadabwitsa wolemba ndakatulo yemwe anagwira izi, anakuwa mokweza, “Chisomo chodabwitsa, kumveka kwake nkokoma bwanji, chomwe chinapulumutsa watsoka ngati

ine. Ndinali wotayika kale, koma tsopano ine ndapezedwa; wakhungu, koma tsopano ndikupenya.”

⁴⁰ Ine ndingakhoze bwanji konse kupita Kumwamba? Kodi inu mungapite bwanji Kumwamba? Ife sitingakhoze kuchita zimenezo, ife, ndipo palibe njira yoti ife tichitire zimenezo. Koma alipo Mmodzi anapanga njira. Ndipo Iye ndiye Njira. Ndipo ife timafika bwanji kwa Iye? Mwa Mzimu umodzi, Mzimu Wake, ife timabatizidwa kulowa mu Thupi limodzi limene liti lidzakwezedwe mmwamba ngati kanjira. Ife tidzachoka pa dziko lapansi ngati a mchombo a tsiku lotsiriza lino mu chikhulupiriro cha Mulungu. Ameni. Ndithudi. Ochimwa olapa sayenera kudandaula, Winawake ali kumeneko mmalo mwawo.

⁴¹ Oh, ndiye ife titatha kubwera mu Kukhalapo Kwake tsopano, ndipo ife tikudziwa kuti takhala tiri mu Kukhalapo Kwake, ife tamuwona Iye akuchita zinthu zomwe Iye anachita pamene Iye anali kuno pa dziko lapansi. Inu mumadziwa bwanji... Inu mumadziwa bwanji mpesa umene inu mukuwuyang'ana? Chifukwa cha chipatso chimene iwo ukubala. Inu mumachidziwa bwanji tchalitchi chimene inu mukupitako? Ndi chipatso chimene icho chikubereka. Yesu anati, “Iye amene akhulupirira pa Ine, ntchito zimene Ine ndizichita iyenso adzazichita. Zizindikiro izi zidzawatsatira iwo amene akhulupirira.”

⁴² Tsopano, ife tikuwona Iye sanatidzoze konse ife kuti tzipita kukapanga zipembedzo. Iye sanatidzoze konse ife kuti tzipita kukapanga tizikhulupiriro. Koma Iye anatichenjeza ife zoterozo. “Pakuti aliyense amene adzachotsa kalikonse kwa Iwo kapena kuwonjezerapo kalikonse kwa Iwo, chomwecho chidzachotsedwa, gawo lawo, mu Bukhu la Moyo.” Mukuona?

⁴³ Chotero, ife sitinadzozedwe kudzachita chirichonse koma kukhala ndi Mawu amenewo. Ndipo ngati munthu watumizidwa ndi Mulungu, iye amakhala ndi Mawu, chifukwa Mulungu akhoza kokha kutumiza mwa Mawu Ake. Mukuona? Mwaona, Iye ayenera kukhala mwa Mawu Ake. Ndiye pamene ife tibwera mu Kukhalapo Kwake, pamene munthu abwera kamodzi mu Kukhalapo kwa Mulungu, iye amasinthidwa kwanthawizonse, ngati pali kusintha kulikonse kwa iye. Tsopano, alipo iwo amene angakhoze kuyenda mu Kukhalapo kwa Mulungu ndipo nkusalabadira za Iwo. Iye sanadzozedwere ku Moyo. Koma ngati iye anakonzedweratu ndi Mulungu, mwamsanga pamene kusuntha koyambako kugunda, iye amadziwa izo. Izo zimayaka moto.

⁴⁴ Tayang'anani pa wachiwerewere wamng'ono uja kumusi kuja tsiku lija ku Samaria, mkazi uja. Analu woipa mmaganizo ndi mthupi. Ife tikudziwa zimenezo. Koma mwamsanga pamene iye anawona chizindikiro chimenecho chikuchitidwa, cha

Mesiya, iye anati, “Ife tikudziwa Mesiya akubwera kudzachita izi. Inu moyenera kukhala mneneri Wake.”

Iye anati, “Ndine Mesiya ameneyo yemwe analembedwera kuti akubwera.”

⁴⁵ Iye anazindikira izo. Sanafunsenso funso limodzi. Iye anawuyamba mwamsanga pomwepo ndi udindowo, kudziwa kuti ngati iye anapeza izo ndi kubwera mu Kukhalapo kwa Mulungu, iye anali ndi udindo wokamuza wina za izo. Aleluya! Kulondola. Munthu aliyense yemwe abwera mu Kukhalapo kwa Mulungu ali ndi udindo pamaso pa Mulungu, kuyambira miniti imeneyo mpakana, kuti akamuuze winawake. Tayang'anani pa Abrahamu, tayang'anani pa Mose, tayang'anani pa Petro, tayang'anani pa Paulo. Mphindi yomwe iwo anabwera mu Kukhalapo kwa Mulungu, anazidzindikira okha kuti ndi “ochimwa,” ndipo anasindikiza umboni wawo ndi moyo wawo. Tayang'anani pa dona wamng'onyo, iye sanathe kukhalanso, iye anapita ku mzinda ndipo anakawauza amunawo, “Bwerani, mudzamuwone Munthu yemwe wandiuza ine zinthu zomwe ine ndazichita. Kodi uyu si Mesiyayo?” Iwo sakanakhoza kuzikana Izo, chifukwa Izo zinali Mwamalemba. Ndithudi. Inde, iwo ayenera kuchita zimenezo, munthu, pamene ife tiri ndi udindo wowauza ena monga Mose anachitira, monga Petro anachitira, monga Paulo anachitira. Zitatha zinthu izi, inu mwauwona Iwo ndipo mwabwera mu Kukhalapo Kwake, muli ndi udindo kuti Uthenga ukafike kwa winawake. Inu simungangokhala chete ndi Iwo. Inu moyenera kuwutengera Iwo kwa winawake.

⁴⁶ Ine ndikukumbukira mlongo wina wachikulire ankakhala kuno, amayi ake a M'bale Graham Snelling, iye ankakonda kukhala momwe muno mu tchalitchi, ndipo iye amakhoza kuyimba, “Ine ndangowoloka kumene! Ndikuthamanga, kuthamanga, kuthamanga, ndipo ndangowoloka kumene ndipo ndikulephera kukhala pansi.” Iye anali atangopeza kumene chinachake. Ine ndinapita ku mpingo wawung'ono wa achikuda kuno mu Louisville, ndipo onse a iwo anali ataimirira, akuimba, “Ine ndikuthamanga mu Msewuwaukulu wa Mfumu, ndangowupeza kumene Iwo, ndipo ndakwera Msewuwaukulu!”

⁴⁷ Pali chinachake cha izo, pamene iwe umupeza Khristu, iwe sungakhoze kukhala chete kenanso. Masiku ako onse ndiwe munthu wosinthika, pakuti pamene moyo ndi Moyo zibwera palimodzi, izo zimadzapanga Kuwala konyezimira. Zonna. Pamene babu lilumikizana ndi waya, ngati liri babu lolondola, limayenera kupereka kuwala; pamene magetsi ndi babu zifika pamodzi, palibe chochita koma kumwaza kuwala. Izo ziyenera kuchita zimenezo. Ndipo pamene mwamuna kapena mkazi ali wokonzedweratu ku Moyo Wamuyaya, ndipo iwo ayiwona mphamvu ya Mulungu ikugwira babu imeneyo, izo zimaponyera Kuwala paliponse pamene kungathe. Inu mukhoza kusapitirira

mphamu zamagetsi teni, koma inu mudzamwaza Kuwala kumene muli nako. Ngati simuli mphamu zamagetsi faivihandiredi, mwazani Kuwala kwa magetsi teni. Perekani Kuwala kwanu! “Mulole kuwala kwanu kuwalire pamaso pa anthu, kuti iwo akakhoze kuwona ntchito zanu zabwino nalemekeza Atate amene ali Kumwamba.” Inde, bwana.

⁴⁸ Pamene munthu akumana ndi Mulungu, iye amazizindikira yekha kuti “si wabwino.” Kodi munthu angayende bwanji ndikudzitama kuti ndi wamkulu bwanji ndi zonse zimene iye wachita, pamene iye si kanthu? Iye si kanthu kuyamba ndi kuyamba. Tsiku lina ku Memphis, Tennessee, kapena mmodzi... . Ine sindikuganiza kuti kunali ku Memphis. Iwo anali amodzi a malo kumeneko. Ine ndinali ndi M’bale Davis ndipo ndinali ndi chi-chitsitsimutso. Uko kukhoza kukhala kuti kunali ku Memphis. Ndipo ife tinali, tinapita ku bwalo la masewero, ndipo iwo anali mmenemo, osati bwalo lamasewero, iwo anali ngati malo owonetserako zojambulajambula, ndipo iwo anali nazozosema zazikulu zimene anazipeza kuchokera kumadera osiyanasiyana a dziko lapansi, za osiyanasiyana, Hercules ndi ena otero, ndi ojambula opambana anali atajambula. Ndiyeno iwo anali nako kusanthula kwa munthu yemwe ankaleméra mapaundi handiredi fifite. Inu mukudziwa chiyani, iye ndi woyenera ndalama zingati? Masenti eyite-foro. Ndizo zonse zomwe iye ali. Masenti eyite-foro ndizo zonse-mankhwala onse mukhoza kutenga mwa iye. Iye wangokhala ndi njereza wokwanira kuwaza chisa cha nkuku, ndipo iye ali ndi zokwanira, kasiamu pang’ono chabe, potashi pang’ono. Zonsezozingagulitsidwe masenti eyite-foro. Koma ife timangosamalira masenti eyite-foro awo ndi kuwasamalira iwo pamene.

⁴⁹ Apo panali anyamata awiri atayima pamene, ndipo mmodzi anamyang’ana mzake, anati, “Jim, sindife ofunikira kwambiri eti?”

Iye anati, “Ayi, sitiri, John.”

⁵⁰ Ine ndinati, “Koma dikirani miniti, anyamata, iwe uli ndi solo mmenemo imene mtengo wake ndi maiko teni sauzande, zomwe zakhala ziri, zikhzoza kuwomboledwa ndi mphamu ya Mulungu, ngati inu mutangozilola izo.”

⁵¹ Munthu, pamene iye awona zinthu izi, iye amakhala ndi udindo wokawauza ena. Ine ndinaziwona izo pamene ndinali mnyamata chabe. Ndinathera moyo wanga wonse pa izo. Pepani kuti ndiri ndi moyo umodzi wokha, ndikukhumba ndikanakhala ndi teni sauzande. Ngati ine ndikanakhala ndi Muyaya, ine ndikanafunabe kumawauza anthu za izo, chifukwa ndichochinthu chachikulu chimene ndinayamba ndachipezap. Ngati mungawerenge mu Ezekiel 33, mutu wa 33 wa Ezekiel, panali mlonda amene anaikidwa pa nsanja, ndipo mlonda ameneyu anali woyang’anira mzinda wonsewo. Ameni. Tsopano,

dzukani, zidzutseni nokha ku chikumbumtima chanu chauzimu kamphindi, pamene ine ndikufika ku Lemba ili. Mlonda ameneyo amayenera kukhala munthu wophunzitsidwa. Iye ankayenera kuti adziwe chimene iye anali kuchita, pakuti pa mtunda uliwonse, mwamsanga pamene iwo awuka, mdaniyo, iye amakhoza kuzindikira izo. Iye amakhoza kudziwa kuguba kwawo, iye amakhoza kudziwa mtundu wawo, iye amakhoza kudziwa udindo wawo ndi fayilo. Basi monga momwe maso a munthu akanatha kuwonera, iye ankakhoza kuziwona izo. Ndipo iye anali wapamwamba kuposa ena onsewo, pakuti iye anaphunzitsidwa kuti amudziwe mdani. Ndipo Mulungu anafuna mzinda wonse mdzanja lake. “Mlonda, kuli chiyani usikuuno?” Aleluya!

⁵² Umu ndi mmene asirikali a Mulungu aliri lero. Iwo amaphunzitsidwira ku Mawu. Pamene chirichonse chibwera chimene chiri chopukutidwa pang’ono kwa icho, chimene chiri ndi chinachake chimene sichiri Lemba, iwo amawachenjeza osonkhana nawo awo. Chirichonse chimene sichiri Baibulo, chirichonse chimene sichiri—chimene sichiri chofanana ndi Mulungu, monga ngati kukhala ndi maphwando a msuzi, zovina, ndi china chirichonse, kuti azilipira azibusa. Zinthu zimenezo ndi zolakwika. Masewera a Bunco ndi maphwando a makhadji mmipingo, nzolakwika! Ndipo mlonda weniweni pa khoma, yemwe nthawiyyina anakhalapo mu Kukhalapo kwa Mulungu... Ngati sakhala pakhoma, ngati iye akungoyenera kukhala pakhoma, khomalo likhoza kusakhala lalitali kuposa osonkhana onsewo. Koma ngati iye ali mlonda wolondola, Mulungu amamukweza iye mpaka mu mlengalenga momwe ena onsewo samafikako. Koma iye amayang’anira nkhosazo, ndipo Mulungu amafuna kuti iye achite! Munthu wa Mulungu amene amaima mu Kukhalapo kwa Mulungu, ndi kumadziwa kuti Mulungu ndi Mulungu, ndi kumadziwa kuti Mulungu amasunga Mawu Ake, ndipo kumamuwona Mulungu akuchita Yekha ndi kuchita ntchito Yake ndi kusunga Mawu Ake, ndiye ziribe kanthu kaya ndi mabungwe angati kapena zipembedzo zingayesere kuwang’ambira Iwo pansi, iye amadziwa udindo ndi mawonekedwe a mdani. Ameni. Iye amadziwa zoti awauze osonkhana, mlonda weniweni.

⁵³ Ngati ife tavomereza kuti Iye ali, ife takhala mu Kukhalapo Kwake, ndipo tavomereza machimo athu, iwo amafafanizidwa kuchoka mu bukhu la kukumbukira Kwake. Palibe wina koma Mulungu angakhoze kuchita zimenezo. Tsopano, inu mukhoza kuchita chirichonse kwa ine, ine ndikukhululukirani inu, koma ndizikumbukira izo. Ngati ndingachite chirichonse kwa inu, inu mungandikhululukire, koma inu muzikumbukira izo. Koma Mulungu akhoza kukhululuka ndi kuiwala izo. Taganizirani zimenezo, “osakumbukira nkomwe izo!” Ameni. Zimenezo zimandipangitsa ine kumverera bwino. Pamene

sizikukumbukiridwanso, palibe chimene chingakhoze kuchita izo koma Mulungu. Palibe koma Mulungu angakhoze kuchita zimenezo. Iye anati Iye adzafafaniza izo kuchokera mu Bukhu Lake la kukumbukira. Ine sindingakhoze kuchita zimenezo, inu simungakhoze kuchita zimenezo, chifukwa ife tangokhala ndi zokhudzira zazing'ono zamalire izi. Koma Iye ndi wopandamalire, Mulungu, Iye mwamtheradi akhoza kuiwala kuti izo zinayamba zachitikapo. Ameni.

⁵⁴ Dona wamng'ono anabwera kuchokera ku tchalitchi cha kumudzi, ndipo abambo ake anali mlaliki wachikale, wofuula, kapena membala wa mpingo. Ndipo chotero iye anasamukira mu mzinda, ndipo iye anasakanikirana ndi azimayi kumeneko, ndipo anayamba kumachita monga iwo ankachitira, ndi mafashoni. Ndipo tsiku lina iye anali ngati wamanyazi kuti abambo ake ndi amayi abwere, kapena abambo ake, kani, amayi ake anali atafa. Chotero bambo wachikulireyo, chinthu chokha chimene iye ankachita, ndi kudzuka mmawa, kudya kadzutsa wake ndi kutenga Baibulo ndi kumawerenga Ilo, ndi kulira ndi kupemphera ndi kufuula tsiku lonse, ndi kumathamanga chokwera ndi chotsika m'chipindamo, ndipo donayo ankachita nazo manyazi pang'ono zimenezo. Chotero ndiye—ndiye pamene nthawi yonse kudutsa usiku, ngati iye agwira Baibulo, amayamba kuwerenga Ilo, iye amadzuka kuchoka pa bedi, ndi kumakuwa, “Ulemelero kwa Mulungu! Aleluya! Oh, ulemelero kwa Mulungu!” Kumangopondaponda ndi kumafuula theka la usiku.

⁵⁵ Chotero tsiku lina donayo amakasangalatsa mamembala ampingo wake ku phwando laling'ono la tiyi monga momwe amachitira nthawizonse, inu mukudziwa, chotero iye samadziwa kuti angachite nawo chiyani abambo ake. Kuwonjezera apo, anali abambo ake. Chotero anaganiza zokawayika iwo mchipinda chapamwamba, ndikuti, “Adadi, simukufuna kukhala komwe kuli azimayi awa, sichoncho inu?”

Anati, “Ayi, sindikukhulupirira kuti ndikufuna kuchita zimenezo.”

⁵⁶ Iye anati, “Chabwino, ife tikhala ndi azimayi akumpingo kuno lero, ndipo ife tikhala ndi msonkhano wawung'ono, msonkhano wawung'ono wa pemphero. Chotero ine—ine ndikukuuzani inu, adadi, bwanji inu mungokwera mchipinda chapamwamba?”

Anati, “Ine ndikungokhulupirira kuti ndichite zimenezo.”

⁵⁷ Chotero iye anati, “Muziwerenga bukhu labwino ili.” Ndipo anamupatsa iye geography. Anamulanda Baibulo lake kwa iye kuti akhale chete. Pakuti iye amadziwa kuti ngati iye akamakawerenga Baibulo, bwanji, iye ayamba kumapanga phokoso lambiri mmwamba mmenemo. Chotero iye ali pamwamba pa iwo, inu mukudziwa, kumene iwo anali kuchita

phwando lawo. Chotero anamupatsa iye geography, anati, “Ili ndi labwino. Inu muyenera muziwerenga ili, adadi, chifukwa ilo limakuuzani inu zonna zonse za dziko lapansi.”

“Oh,” iye anati, “Ndikhala wokondwa kuwerenga limenelo.”

⁵⁸ Chotero iye anati, “Tsopano inu mupite pamwamba uko ndipo mukakhale chete kwenikweni kufikira azimayi awa atachokapo, ndiyeno ine nditero... inu mudzabwerera pansi ndiyeno mukhoza kumadzachita chirichonse chimene inu mukufuna.” Iye anavomereza kuti achita zimenezo. Chotero iye akukwera mmwamba, kukhala pamwamba apo.

⁵⁹ Ndipo iwo onse anali ndi phwando lawo la tiyi, inu mukudziwa, akuyankhula za *chakuti-ndi-chakuti*, ndipo inu mukudziwa momwe izo zimachitikira, akukhala ndi nthawi yonse yopambana. Ndipo pafupifupi nthawi imeneyo chinachake chinamasuka mmwamba, kukuwa konse ndi kulumphya, ndi pulasitala nkumagwa. Bambo wachikulireyo akuthamanga thamanga mmwamba ndi pansi akudutsa m'mwamba mwamphamvu basi momwe iye akanapitira, akulumphya lumpha, ndi kumafuula, “Ulemelero kwa Mulungu! Ulemelero kwa Mulungu!” Azimayi samadziwa chimene chachitika mmwambamo uko, zomwe anali nazo mmwambamo. Chotero molunjika anatsika masitepewo akubwera, mwamphamvu mmene iye akanapitira.

Iye anati, “Adadi, ndinakupatsani inu la geography kuti muziwerenga.”

⁶⁰ Anati, “Inde, ine ndikudziwa zimenezo. Inu mukudziwa,” anati, “Ine ndimawerenga mu la geography ili apa pomwe pali malo mu nyanja omwe alibe pansi polekezera pamenepo.” Ndipo anati, “Ine ndinawerenga apa kuno mu Baibulo dzulo, Iye anati Iye anaika machimo anga mu ‘nyanja ya kuiwala.’ Ulemelero kwa Mulungu!...?...” Anati, “Iwo akupitabe. Iwo alibe mapeto, iwo amangopitirira.” Uko nkulondola. Ndipo iye anali akufuula za izo. Chabwino, ndiko kulondola.

⁶¹ Mulungu amaika machimo athu mu nyanja ya kuiwala, kuwafafaniza iwo, ndipo iwo amakhala ngati sanachitikepo. Oh, mai! Ndiye ife timaima mwa chisomo cha Mulungu, kudzera mwa Yesu Khristu Ambuye wathu, wangwiwo ndi woyerwa, woyerwa basi monga Iye analiri, chifukwa Iye samandiwona ine pamene ine ndibwera pamenepo, Iye amamuwona Mwana Wake Yemwe. Njira yokhayo imene Iye angakhoze kuwona... sangakhoze kundiwona ine, chifukwa ndiri mwa Mwana Wake. Ndipo Iye amangomuwona Mwana Wake yekha. Kodi izo si zodabwitsa? Ife sitikuyenera kuti tiziganiziranso za machimo kenanso, iwo onse anapita, iwo ali pansi pa Magazi. Inde, bwana. Sitikusowa kuti tizidandaula za iwo kenanso, iwo onse anapita, ndipo salinso mu kukumbukira kwa Mulungu. Iye samawakumbukiranso iwo nkomwe kenanso.

⁶² Yesaya, mneneri wamphamu uja, pamene iye anavomereza machimo ake, iye anati, “Watsoka ndi ine, pakuti ndine munthu wa milomo yonyansa.” Mneneri! “Ndine munthu wa milomo yonyansa, ndipo osonkhana anga ndi odetsedwa.” Mukuona? “Anthu amene ndimawalalikira, ndi odetsedwa. Ndine wodetsedwa. Ndipo watsoka ndi ine. Koma apa pakubwera gulu la Angelo pansi kuchokera ku Ulemelero wa Mulungu, akukupiza mmbuyo—mitambo, ndipo ine ndinayang’ana mmwamba umo ndi kuwona mtipiti Wake ukudzaza Kumwamba konse. Ndipo ine ndimawawona Angelo awa omwe samadziwa konse chomwe tchimo linali. Iwo sankadziwa nkomwe chomwe tchimo linali, ndipo apo, mu Kukhalapo kwa Mulungu, iwo anali ndi mapiko awiri pa nkhopo zawo, iwo anali ndi mapiko awiri pa mapazi awo, ndipo akuwuluka ndi mapiko awiri, ndipo amafuula usana ndi usiku, ‘Woyer, woyer, woyer ndi Yehova Mulungu.’” Psyii. Izo zingakupangitse iwe kumverera kuti ndiwe wosayera, sichoncho? Tsopano, kodi iye anachita chiyani? Iye anati, “Watsoka ndi ine.”

⁶³ Ndipo pamene iye anavomereza machimo ake ndikuti “watsoka ndi ine,” Mngelo anapita ndipo anakatenga mbaniro, anakatenga khala la moto limene linkaimira Mzimu Woyeria ndi Moto, ndipo anabwera ndi kudzaliyika ilo pa milomo ya mneneri, ndipo anati, “Ndakuyeretsa iwe.” Pamene po mapiko akupeta njira yawo monga *choncho*, nachotsa zotchinga za nthawi, ndipo iye anamva Mulungu akuti, “Ndani adzatipitire ife?”

⁶⁴ Koma atazindikira kuti pali njira yochotsera tchimo, Mulungu ankafuna kuti winawake amupitire Iye, ndipo iye anati, “Ndine pano, nditumeni ine.” Iye anali atakhala mu Kukhalapo kwa Mulungu, ndipo anali atavomereza machimo ake, ndipo anali atayeretsedwa ku machimo ake, ndipo anali atakonzekera utumiki. Ameni.

⁶⁵ Pamene wolemba ndakatulo anagwira zimenezo, anati:

Mamillioni tsopano ali mu tchimo ndi manyazi
akufa,
Mvetserani kulira kwawo kwa chisoni ndi
kowawa;
Fulumirani, m’bale, fulumirani
kuwapulumutsa;
Yankhani mwamsanga, “Ambuye, ndiri pano.”

⁶⁶ Pamene ine ndiganizira za Afrika, India, ndi padzikolone lapansi, mamillioni achikunja akukuwa ndi kulirira chifundo, ndipo ndani adzapite? Osati kukawapatsa iwo ka traki, koma kukawabweretsera iwo Yesu Khristu. Winawake mu Kukhalapo Kwake, monga Mose, yemweakanakhoza kupita kumusi uko ndi kuwasonyeza iwo chiwombolo choona. Osati kukawapangitsa iwo kujowina tchalitchi, kapena kugwirana chanza ndi kuhala

ndi kachikhulupiro, koma kubweretsa chiwombolo ku miyoyo yawo; munthu wina wabwino waumulungu. Inde, Yesaya anaulula machimo ake ndipo anayeretsedwa.

⁶⁷ Yakobo atatha kulimbana usiku wonse, mu kuulula machimo ake, inu mukukumbukira malo omwe iye anali? Iwo ankatchedwa Peniel, P-e-n-i-t-e-l, Peniel. Mawu akuti *Peniel*, mu Chihebri, amatanthaiza “nkhope ya Mulungu Wamphamvuzonse.” Yakobo, wachinyengo wamng’onoyo anali atathawa...dzina lake anali *Yakobo*, kutanthauza “wolanda,” ndiye wonyenga, anathawa moyo wake wonse, kutali ndi Mulungu, koma pamene iye anadzafika nthawi ina mu Kukhalapo kwa Mulungu ku Peniel, pamaso pa Mulungu, iye anamugwira Mulungu ndipo sanalole kumusiya Iye. Mulungu, ife tikusowa ma Yakobo ambiri. Iye anagwiritsitsa pa nkhope ya Mulungu, mu Kukhalapo kwa Mulungu, iye anakhala mpaka dzuwa litadzatuluka. Mulungu anati, “Ndilole Ine ndizipita, chifukwa dzuwa likutuluka.” Ndipo iye anakhala pa nkhope ya Mulungu mpaka dzuwa litatuluka, koma iye anachokapo ali wolungamitsidwa ndipo anapulumutsidwa. Huh.

⁶⁸ Oh, chinali chinthu chachikulu bwanji chimenecho, tsopano, kudziwa kuti iye anali atalimbana nthawiyonse. Ndiko kuti, iye anali atawona zizindikiro za Mulungu, iye anali ndi maloto okhudza Mulungu, koma iyi inali nthawi imodzi imene iye anali mu nkhope ya Mulungu, mu Kukhalapo kwa Mulungu. Taganizani za zimenezo, amzanga. Tsopano, pamene ife tikufulumira. Mu Kukhalapo kwa Mulungu, munthu amasinthika. Yakobo anasinthika. Tsopano iye akhoza kuyenda ndi Mulungu. Inde, iye anali munthu wosiyana ndi yemwe iye anali pamene iye anapita kumeneko. Nkhondoyo inali itatha tsopano. Inde, bwana. Ndipo iye anayamba kumanga guwa. Iye anali asanazolowere kumanga maguwa, inu mukudziwa. Koma, ine ndikukuuzani inu, pamene iwe ubwera mu Kukhalapo kwa Mulungu, iwe umafuna kumanga guwa penapake. Iwe umafuna kupeza kwinakwake kumene iwe ungakhoze kukapemphera. Iye anamanga guwa. Iye anayeretsedwa, ndipo Mulungu anali atapambana.

⁶⁹ Ndipo Yakobo anali wosinthika kuchoka kwa *Yakobo*, “wonyenga,” kudzakhala *Israeli*, “kalonga, wokhala ndi mphamvu ndi Mulungu.” Ndi chimene chinadzachitika kwa Yakobo. Wolanda, wonyenga, wosalungama, wosayera, wonyenga, anamnyenga m’bale wake, anaba maufulu obadwa nawo, monga momwe zinakhalira, kwa m’bale wake, anatenga njira yonyansa yaing’ono yochitira izo, wachinyengo woteroyo. Iye anawachita chinyengo apongozi ake. Anaika timitengo ta msondodzi ndi kupanga ana a ng’ombe amadontho-madontho, pamene ng’ombe zoyembekezera zifika kumeneko, zikamayang’ana zimenezo, ndipo nkhosa...zikamayang’ana kamteng ka madonthomadontho ako ndi kupanga ng’ombe

zamadonthomadontho, kuzipatsa izo zipsyera zobadwa nazo. Wonyenga, kuwachita chinyengo apongozi ake omwe. Kuwachita chinyengo amayi ake, anawachita chinyengo abambo ake, anamuchita chinyengo mchimwene wake, koma pamene iye anangolowa mu... Iye anali kathyali. Iye anali akuthawa kulikonse kumene iye ankapita, nthawizonse amakhala akuthawa kwa Mulungu, iye amakhala akumuthawa m'bale wake. Koma pamene iye anadzabwera mu Kukhalapo kwa Mulungu, iye anazindikira kuti iye anali wochimwa. Kodi iye anachita chiyani? Kodi iye anachita chiyani? Iye anawona mwayi wake. Iye anali atakumana ndi chinachake chimene sanachiganizire nkale lomwe, ndipo iye anakhala pamene po mpaka machimo onse atachokapo. Oh, mai! Mulungu anamutenga iye mu Kukhalapo Kwake komwe.

⁷⁰ Mulungu amayendetsa njira yowatengera anthu mu Kukhalapo kwawo, zikatero iwo amapanga lingaliro lawo. Ena a iwo amathawa kuchoka kwa Iye, ena amathamangira kwa Iye. Ngati iwo anakonzedweratu ku Moyo, iwo amawakhusulupirira Iwo, iwo amakangamira kwa Iwo. Ngati sichoncho, iwo amayesetsa kuchokako ndikutu, "Palibe kanthu kwa Iwo." Mukuona? Ndipo ameneyo ndi munthu yemwe wataika. "Munthu amene amavomereza tchimo lake, adzakhululukidwa. Ngati iwe ubisa tchimo lako, sudzapambana." Ayi.

⁷¹ Chotero Yakobo pamene iye, inu mukudziwa, tsiku lotsatira iye anakumana ndi Esau m'bale wake. Iye sanafune thandizo lirilonse kuchokera kwa iye pamene po. Iye sanafune ankhondo ake. Iye anali mu ntchito yomanga maguwa. Iye samamuwopanso Esau pamene po.

⁷² Masalmo 16:8, Davide anati, "Ine ndawayika Ambuye patsogolo panga." Ndicho chinthu chabwino kuchichita. Masalmo 16:8, "Ine ndawayika Ambuye patsogolo panga." Chotero, iye sakakanhoza kusokonezekwa nazo izo. Iye ankafunga kukhala wozindikira za Kukhalapo Kwake, chotero Davide anati, "Ine ndimawayika Ambuye pamaso panga nthawi zonse. Tsopano ine, Davide, ndawaika Ambuye patsogolo panga, nthawizonse kuti ndizizindikira—kuzindikira Kukhalapo kwa Mulungu." Kodi limenelo silingakhale phunziro labwino kwa ife tonse usikuuno? Kuwaika Ambuye patsogolo pa nkhopo zathu koteru kuti ife tizikhala ozindikira za Kukhalapo Kwake. Kumuyika Iye poyamba. Chifukwa chiyani? Kumuyika Iye poyamba, pamaso panu. Chifukwa chiyani? Ndiye inu simungachimwe pamene inu muzindikira mowirikiza inu muli mu Kukhalapo kwa Mulungu. Pamene iwe uzindikira kuti Mulungu ali pafupi, iwe umasamala zomwe ukunena.

⁷³ Munthu, pamene iye aganiza kuti Mulungu wachokapo, iye amatukwana, iye amasilira akazi, iye amatero... iye amaba, amachita chinyengo, amanama. Iye adzachita chirichonse pamene iye aganiza kuti Mulungu sakumuwona iye. Koma

mumubweretse iye mu Kukhalapo kwa Mulungu, iye amasiya zimenezo pakali pano. Mukuona? Ndipo Davide anati, "Ine ndimawaika Ambuye patsogolo panga nthawizonse." Ndicho chinthu chabwino. Nzosedabwitsa Mulungu anati iye anali munthu wapamtima Wake Womwe. Munthu amachita chirichonse pamene iye aganiza kuti Mulungu sali pafupi. Koma pamene azindikira kuti Mulungu ali pafupi, kodi inu munamuwonapo wochimwa? Mulole munthu waumulungu abwereco, iye amasiya kutukwana kwake, ngati iye ali nako kulemekeza kulikonse nkomwe. Mukuona? Iye sanganene nthabwala zonyansa zomwe iye amanena. Mukuona? Mwaona, iye amazisiya zimenezo, chifukwa iye amadziwa kuti iye ali mu Kukhalapo kwa Mulungu, chifukwa Mulungu amakhala mu kachisi wa anthu Ake. Mukuona?

⁷⁴ Davide atachita izi, anati, "Mtima wanga udzasangalala." Ine ndikukhumba inu mukanawerenga zimenezo, Masalmo 16. "Mtima wanga udzasangalala, ndipo mnofu wanga udzagona mu chiyembekezo." Chifukwa chiyani? Mtima wanga udzakondwera chifukwa ndimamuika Mulungu patsogolo panga nthawi zonse. "Ndipo mnofu wanga udzagona mu chiyembekezo; ngati ine ndidzafa, ine ndidzaukitsidwanso. Pakuti Iye sadzalola Woyeria Wake Uyo kuti awone chivundi, komanso Iye sadzasiya moyo Wake mu hade." Mukuona? Pamene Davide anamuyika Mulungu patsogolo pake, ndipo nkumadziwa kuti mowirikiza iye anali mu Kukhalapo kwa Mulungu. "Muthange mwafuna Ufumu wa Mulungu."

⁷⁵ Tsopano mvetsnerani, mpingo, ine ndimakukondani inu. Ndipo ine ndikufuna inu mumvetserere kwa ine tsopano. Monga M'bale McCullough ankakonda kunenera, "Ine ndikuti ndinene chinachake." Nthawizonse muziwayika Ambuye patsogolo panu, ndipo musamachite kanthu kamene inu simungachite mu Kukhalapo Kwake, chifukwa Iye akukuyang'anani inu. Mukuona? Ambuye amawazinga iwo amene amamuwopa Iye. Iye satero... Iye amangokhala pafupi ndi inu. Ndipo Iye amadziwa chirichonse chimene inu mukuchita, ndipo inu muyenera kuzindikira zimenezo. Pamene inu muyamba kunena bodza, musamachite zimenezo, kumbukirani, Mulungu akukumvetserani inu. Ngati inu muyamba kuchita chinyengo pang'ono, inu musachite zimenezo, Mulungu akuyang'ana pa inu. Ngati inu muyamba kutenga Dzina Lake pachabe, musachite zimenezo, Mulungu akumvetsera kwa inu. Mukayamba kusuta ndudu, Iye akukuwonani inu. Mukuona? Ake... Ife tinkakonda kuyimba nyimbo, "Ponse panjira yopita ku moyo woona weniweni, pali diso lipenya iwe; sitepe iliyonse yomwe mutenga, diso lalikulu ili limakhala maso, pali diso lipenya iwe." Kumbukirani, muzichita monga Davide, muziwaika Ambuye nthawizonse patsogolo panu. Mukatero mtima wanu udzasangalala ndipo mnofu wanu udzapuma

mu chiyembekezo, pakuti Iye analonjeza izo. Inde, bwana. Iye ankadziwa kuti iye akanadzauka chifukwa Mulungu anali alalonjeza izo. Chabwino.

⁷⁶ Pamene ife tibwera mu Kukhalapo Kwake, ife timasinthika, osakhalanso konse chimodzimodzi. Yang'anani monse kudutsa m'mibadwo, ya mayendedwe aliwonse a moyo, pa munthu. Tayang'anani pa Abrahamu. Inu mukuti, "Chabwino, moyo wosinthika ndi wa azitumiki okha." Oh, ayi. Moyo wosinthika ndi wa aliyense. Mukuona?

⁷⁷ Tsopano, Abrahamu anali mlimi, koma pamene iye anamva Liwu la Mulungu likuyankhula kwa iye, ndipo nawona masomphenya aja, iye anali munthu wosinthika kuyambira nthawi imeneyo kumapita mtsogolo. Iye anadzilekanitsa yekha kuchoka kwa abale ake, ndi kwa onse oyanjana nawo ake, ndipo anayenda monga mwendamnjira ndi mlendo, mdzikolo lachirendo, moyo wake wonse, akukhala mmahema, chifukwa iye anavomereza momveka bwino kuti iye anali kufunafuna mzinda umene Woumanga ndi Woupanga wake anali Mulungu. Iye ankadziwa kuti kunali Mulungu, ndipo unalipo mzinda kwinakwake umene Woumanga ndi Woupanga Wake anali Mulungu. Ndicho chimene Ahebri 11 amatiuza ife, kuti iye anali kufunafuna mzinda umene Woumanga ndi Woupanga wake anali Mulungu. Iye anali munthu wosinthika, komabe iye sanali kanthu koma mlimi wamba. Koma iye anawona masomphenya ndipo anabwera mu Kukhalapo kwa Mulungu, ndipo iye anali munthu wosinthika kuyambira pameneopo mpakana.

⁷⁸ Mose, iye anali m'busa, koma iye anali munthu wosinthika pamene iye anabwera mu Kukhalapo kwa Mulungu. Iye anali wamantha, iye anali kumuthawa Farao, ndi gulu lonse lankhondo kumbuyo kwake. Koma ali ndi ndodo mdzanja lake, iye anabwerera ndipo anakatenga fuko lonselo. Mukuona? Chifukwa chiyani? Iye anabwera mu Kukhalapo kwa Mulungu. Iye anali munthu wosinthika, m'busa.

⁷⁹ Petro, msodzi, sankadziwa kanthu za usodzi... kapena samadziwa kanthu za Mulungu, chinthu chokhacho chimene iye mwinamwake ankachidziwa chinali momwe angagwirire nsomba. Koma pamene iye anadzabwera mu Kukhalapo kwa Mulungu, ndi kudzamuwona Mlengi wamkulu Amene ankakhoza kulenga nsomba, pamene Iye anamuza iye kuti aponye makoka kuti agwire. Munalibe nsomba iliyonse m'menemo, iye amangokokera mauconde ake mmwamba. Koma iye anati, "Pa Mawu Anu, Ambuye. Ine ndikukhulupirira kuti Ndinu Mwana wa Mulungu, ndipo ngati Inu mulola...ngati ine ndingaponyere pansi ukonde, Inu mutandiua ine kuti ndichite izo; pa Mawu Anu, chifukwa Inu ndi Mawu Anu muli ofanana, ine ndiponyera ukondewo." Ndipo pamene iye anayamba kukoka, iye anati, "Chokani, Ambuye, ndine munthu wochimwa." Mwaona, nsodzi, Petro atakumana ndi Khristu

aye sanalinso chimodzimodzi. Iye, pambuyo pake, anali woona kwambiri kwa Mulungu, iye anapatsidwa mafungulo a Ufumu. Inde, bwana.

⁸⁰ Paulo, wodzitcha-yekha Mfarisi, wophunzitsidwa ndi wolangizidwa mu chipembedzo chonse cha...chimene chinalipo mdzikolo lapansi mtsiku limenelo, mmodzi wa masikolala odziwika kwambiri mdzikolo. Koma pamene iye anadzabwera pamaso pa Lawi la Moto lija tsiku lina, Mulungu yemwe iye anali atamuzunza, mwaumbuli. Iye anali Mfarisi, iye sankakhulupirira kuti Mulungu anali Munthu. Iye anadziwa kuti Mulungu anali Lawi la Moto, Ilo linawatsogolera anthu Ake kuchokera mu Igupto, Ilo linali liri ndi iwo utali wonse. Koma pamene iye anadzawona Lawi la Moto ili, iye anagwa pa nkhopre yake. Ndipo iye anamva Liwu likuti, “Saulo, chifukwa chiyani iwe ukundizunza Ine?”

Anati, “Kodi Inu ndi ndani, Ambuye?”

Iye anati, “Ndine Yesu.”

⁸¹ Iye anali munthu, amene anati, “Kodi inu munabatizidwa motani?” Iye anali ali mu Kukhalapo kwa Mulungu. Iye anali munthu wosinthika kuyambira pamene mpakana, iye anali ali mu Kukhalapo kwa Mulungu. Zimamusintha munthu.

⁸² Charles G. Finney, woimira mlandu, woimira mlandu wamkulu waku Filadefiya, koma pamene iye anadzabwera mu Kukhalapo kwa Mulungu iye anasiya kuphunzira kwake kwa zamalamulo ndipo anadzakhala mlaliki wamphamvu kwambiri wa fuko lino yemwe tinayamba takhalapo naye.

[Malo opanda kanthu pa tepi—Mkonzi]... anali mlaliki, chifukwa tsiku lina iye anadzabwera mu Kukhalapo kwa Mulungu. Iye anaganiza kuti, nthawiina, akanadzaphunzira utumiki. Inu mukulidziwa buku lake. Ndiri ndi mbiri ya moyo wake. Iye anapita kukapemphera. Iye ankaganiza kuti iye anali mlaliki. Iye anali ndi chikhumbo, kuti ankafuna kuti azilalikira, ndipo iye anali nawo maulaliki angapo amene iye ankayesera kuti alalikire. Iye anapita uko tsiku lina, anatuluka mu ofesi yake, kuti akapemphera, anapita kunja mu nkhalango. Iye anatsikira kuseri kwa mtengo wakale wogwera pansi, kumene iye anapita masana aliwonse. Wachipembedzo kwambiri, koma iye sankakhulupirira mu Izo.

Munali akazi awiri mitchalitchimo, amene ankati, “Bambo Finney, ife tikupemphera kuti inu mulandire Mzimu Woyer.”

Iye anati, “Ine ndiri nawo Mzimu Woyer.” Anati, “Ndine mlaliki.”

⁸³ Anati, “Bambo Finney, ndinu munthu wamkulu, ndipo muli nako kugwira kopambana pa Mawu kwambiri, koma inu mukusowa Mzimu Woyer. Ife tikukupemphererani inu.” Mkazi wamng’ono wokoma.

⁸⁴ Chotero iye anapitirira, kumapitirira. Chotero tsiku lirilonse iye amapita kuseri kwa ofesi yake, abwana ake ndi onse omwe amagwira ntchito, ndipo iye amatuluka mu ofesi yake ya zamalamulo ndipo amapita kunja uko kukapemphera. Ndipo tsiku lina iye anali kunja uko akupemphera ndipo iye anamva kusweka kwa burashi. Iye amaganiza kuti abwana ake akubwera, akumusaka iye. Iye analumpha mmwamba mwamsanga kwenikweni. Iye anali akuti, "Ambuye Mulungu, ine ndikukukhulupirirani Inu." Ndipo bulashi ina inasweka, iye anayamba, "Uhm! Uhm! Uhm!" anadzuka ndipo anati, anayang'ana pozungulira, kuwona chomwe chimaswa bulashi. Ndipo panali apo ndiye pamene iye anadzabwera mu Kukhalapo kwa Mulungu. Anazindikira kuti bulashi imeneyo inasweka ndi cholinga. Iye anayima pamenepo, misozi ikuyenderera mmasaya ake. Iye anati, "Mwinamwake akazi amenewo akulondola. Ndi kuchita manyazi kuti wina andiwone ine ndikuyankhula ndi Mulungu wanga, koma ine ndikuganiza kuti umakhala ulemu kuti winawake andiwone ine ndikuyankhulana ndi bwana wanga. Ndi wopambana bwanji Ambuye wanga kuposa bwana wanga!" Anati, "Ambuye, mundikhululukire ine ndipo mundidzaze ine ndi Mzimu Woyer," anayamba kukuwa ndi kufuula. Iye anali mu Kukhalapo kwa Mulungu. Iye anathamanga kumusi kwa mzinda mofulumira kwenikweni akupita ku ofesi yake. Iye anayamba kukuwa mwamphamvu kwambiri mpaka anangopita kuseri kwa chitseko, anati, "Ambuye, ndibweretsa chitonzo pa Inu. Ndibiseni kumbuyo kuno mpaka ine nditasiya kupepetulidwa uku." Chifukwa chiyani? Iye anali atabwera mu Kukhalapo kwa Mulungu. Iye anali munthu wosinthika. Maulaliki amene iye ankakonda kulalikira, iye analalikira maulaliki omwewo ndipo miyoyo inabwera ku guwa. Mwaona, iye anakhala ali mu Kukhalapo kwa Mulungu.

⁸⁵ Moody, wosoka nsapato wamng'ono wakale, samadziwa nkomwe ma ABC ake. Uko nkulondola. Garamala yake inali yoipa. Winawake anamuza iye tsiku lina, "Garamala yanu ndi yosakhala bwino, Bambo Moody."

Iye anati, "Koma ine ndikupindulira nayo miyoyo." Chotero . . .

⁸⁶ Tsiku lina nyuzipepala, mkonzi anapita kukalembe nyuzipepala. Iye anapita kuti akawone mmene munthu uyu angasonkhanitsire khamu la anthu mulimonse, kamnyamata kakang'ono, kamutu-wadazi, ndi chirichonse, ndipo anali ndi ndevu zikulendewera pansi, wokhala ngati wamimba ya m'mphika, ndipo iye anali munthu wowoneka moyipa kumuyang'ana. Chotero nyuzipepala iyi inalembadi za iye, inati, "Sindikuwona chimene mdziko chimene aliyense angawone mwa Dwight Moody." Anati, "Iye ndi wonyansa, mawu ake ndi amanzenene, ali ndi ndevu mpaka mchiuno mwake, iye ndi wa

mutu wadazi ngati dzungu.” Ndipo anati, “Zingatheke bwanji mdziko kuti aliyense angapite kuti akawone chirichonse mwa Moody?”

⁸⁷ Chotero manenjala wa Moody anaziwona izo, anati, “Taonani, Bambo Moody, ine ndikuwerengerani inu izi.” Moodyakanatha kuwerenga izo iyemwini. Chotero iye anati, “Ndikuwerengerani inu zolemba mkonzi.” Ndipo iye analembia izo.

⁸⁸ Moody anangogwedeza phewa lake, anati, “Ndithudi ayi, iwo amabwera kudzamuwona Khristu.” Izo zinali zonse. Chifukwa chiyani? Iye anali atakhalapo mu Kukhalapo kwa Mulungu. Kuchokera kosoka zidendene za nsapato, kuti anthu azivala; iye anawaveka anthuwo Uthenga wowakonzekeretsa. Chifukwa chiyani? Iye anali mu Kukhalapo kwa Mulungu. Kulondola.

⁸⁹ Mkazi wamng’ono nthawi ina anabwera mu Kukhalapo kwa Mulungu, wolakwa monga iye akanakhoza kukhalira. Mu kamphindi pamene iye anazindikira kuti iye anali mu Kukhalapo kwa Mulungu, tchimo lirilonse linakhululukidwa ndipo iye anali wangwiro ndi woyera ngati kakombo. Oh, mai! Ndi angati ena omwe ine ndingakhoze kuwatchula apa a anthu, nthawi siingalole.

⁹⁰ Koma ine ndikufuna ndiyankhule pang’ono za inemwini. Ndi chiyani chomwe chingakhale chocheperapo kuposa ine? Ine ndinali kuti? Ndinabwera kuchokera m’banja la zidakhwa, ndinachokera m’banja la okupha, ndinachokera m’banja la ogulitsa mowa. Ndipo inu mukudziwa izo, aliyense wa inu mukudziwa zimenezo, mukudziwa mtundu wa dzina limene ife tinali nalo kuno. Anthu sankayankhula ndi ife mu msewu. Ine ndimapita mu mzinda, ndikayamba kuyankhula ndi winawake, palibe amene amayankhula nane pokhapokha ngati panalibe munthu wina. Iwo amakhoza kuyankhula ndi ine, winawake akabwera, iwo amandisiya ine. Ndipo ine ndimakhoza kuyima pamenepo ndi kumalira, “Ayi, izi siziri chomwecho, izo sizingakhale choncho. Izi ndi zolakwika.”

⁹¹ Koma tsiku lina ine ndinabwera mu Kukhalapo kwa Mulungu. Iye anandisinha ine ndipo anandipanga ine kukhala mwana wa mtundu wina. Chisomo Chake chinandibweretsa ine mu Kukhalapo Kwake. Ine sindinayambe ndafunapo kuti ndikusiye Iko. Ine ndakhala ndiri muno tsopano zaka sarte zina zosamvetsetseka. Ine sindikufuna kukusiya Iko. Ndiri ndi chitsimikizo kuti nthawizonse ndidzakhala ndiri Kumeneko. Ngakhale imfa payokha siidzandilekanitsa konse ine ndi Kukhalapo Kwake. Ayi. Ine ndidzakhala ndi Iye kwanthawizonse. Pamene ine ndinakuwona Kukhalapo Kwake nthawi yoyamba, ine ndinalira monga Yesaya, “Watsoka ndi ine.” Kenako Iye anandikhudza ine ndi chisomo Chake. Ine

ndinali munthu wosinthika. Chigawenga chaching'ono ichi chimene chinkakonda kupita kunja kuno ndi kumapitiriza ndi chirichonse, chinasinthidwa, ndipo kuyambira pamenepo ndakhala ndiri mwana Wake. Kuyambira pamenepo, ndakhumba kuperekwa moyo wanga wonse ku ntchito Yake, ndikungolakalaka ndikanakhala ndi miyoyo teni sauzande yowonjezera yoyiperekwa chifukwa cha Iye. Uwu wayamba kutha ndithu tsopano, zaka fifite-firii zadutsa. Pafupifupi sarte-firii za izo zakhala ziri, kapena sarte-thuu za izo zakhala ziri mu Uthenga. Ine ndikanakonda ndikanakhala ndi sauzande zina zomwe ndikanakhala nazo. Chifukwa chiyani? Pamene ine kamodzi ndinadzafika mu Kukhalapo Kwake ndipo nkuzindikira kuti panali Winawake Amene ankakonda osakondedwa, panali Winawake amene ankandikonda ine pamene panalibe wina aliyense amene amatero, panali Winawake Amene ankandisamalira ine pamene panalibe aliyense amasamala. Ine ndinayika mikono yanga mokumbatira mtanda Wake, ine ndinawukumbatira iwo kwa ine, ndipo ine ndi Iye tinadzakhala amodzi pamenepo. Ndipo kuyambira pamenepo ine ndamukonda Iye. Iye anadetsa pachifuwa changa ndi mtima wanga ndi Magazi Ake, pondikhudza ine ndi pondikhululukira machimo anga, ndipo ndine wokondwa usikuuno kukhala mmodzi wa Ake. Ine sindimakhumba konse kuchoka malo a Mmwambbamwamba awa, ngakhale woyesa kundinyengerera ine wayeserapo kangapo; koma ndine wotetzedwa mu malo achinsinsi a Mulungu, ndipo wokondwa mu chikondi Chake ndi chisomo, ndipo ndikukhala kumbali ya aleuya. Mai! Izo zimapangitsa mtima wanga kukondwera.

⁹² Ine ndikumuvomereza Iye kwa aliyense wolema. Ine ndikumuvomereza Iye kwa inu amene mulibe chiyembekezo. Inu amene simunayambe mwakhalapo mu Kukhalapo Kwake, chinthu chokha chimene inu tuyenera kuchita ndi kuvomereza machimo anu ndi kuzindikira kuti ndinu wolakwa, ndipo Mulungu ali ndi Mngelo ameneyo atamudzoza usikuuno, wotchedwa Mzimu Woyerwa, amene adzachotse machimo anu onse. Ndiye inu mudzafulula, “Ambuye, ndiri pano, nditumeni ine.” Kenako inu mudzakweza manja anu ndi kuyimba, “Ine ndidzamyamika Iye! Ine ndidzamyamika Iye! Kuyamika Mwanawankhosa wophedwa chifukwa cha ochimwa. Mpatseni Iye ulemelero, anthu inu nonse, pakuti Magazi Ake atsuka banga lirilonse.” Ine ndimkonda Iye. Sichoncho inu? Kukhala mu Kukhalapo Kwake!

⁹³ Ine ndinabwera pa guwa lino mmawa uno, ndikumverera moyipa kwambiri ndi kudwala kwambiri ku...Ine—ine ndinali uko ku Kentucky sabata yatha ndi abwenzi anga ena akhala pano. Ngati ine ndikanakhala kumeneko nthawi yayitali, iwo akanandiphia ine, iwo ndithudi akanatero, ndi kukomamtimma, ena a ophika opambana omwe ine ndinayamba

ndawadziwapo m'moyo wanga. Ndipo pamene ine ndifika pamalire okhuta, nditalongeza mopitirira muyezo, "M'bale Branham, kodi inu simudyako zina za izi?" Ndipo izo ndi zabwino kwambiri, ine ndimangoyesetsa kuzijomphapo izo. Ine ndinakhuta kwambiri basi ndimalephera ngakhale kuti ndiyende. Ine—ine ndimalephera kuti ndigone, ndipo ndinadzuka ndi kuyenda kuzungulira pang'ono. Ndipo ine sindimamverera bwino pamene ine ndimafika muno mmawa uno. Koma kamodzi pamene ine ndinabwera mu Kukhalapo Kwake, izo zinakhazikitsa izo. Izo zinakhazikitsa izo, izo zonse zinadzachokapo nthawi imeneyo. Uko nkulondola. Oh, kukhala mu Kukhalapo Kwake!

Ndidzamyamika Iye, ndidzamyamika Iye,
Kuyamika Mwanawankhosa wophedwera
ochimwa;
Mpatseni Iye ulemelero anthu inu nonse,
Pakuti Magazi Ake atsuka banga lirilonse.

Tiyeni tiweramitse mitu yathu tsopano.

[M'bale Branham akuyamba kung'ung'usa *Ine Ndiddzamyamika Iye—Mkonzi*.]

Pakuti wandichitira ine zambiri zedi;
Wandikhululukira mphulupulu yanga;
Ndipo Magazi Ake atsuka tchimo langa.

Ndidzamyamika Iye, ndidzamyamika Iye,
Kuyamika Mwanawankhosa wophedwera
ochimwa;
Mpatseni Iye ulemelero anthu inu nonse,
Pakuti Magazi Ake atsuka banga lirilonse.

[M'bale Branham akuyamba kung'ung'usa *Ine Ndiddzamyamika Iye—Mkonzi*.]

⁹⁴ Tsopano ngati inu muli muno usikuuno...Ndipo ine ndikudziwa Kukhalapo Kwake kuli pano. Nditaima kumeneko kanthawi kapitako, kwa mtsikana wa Church of God wamng'ono, Mzimu Woyeru unadzasunthira mkaati pa ine pamene ndimamupempherera mwana wamng'ono ameneyo. Makolo anali atabwera kuchokera ku msasa wa Anderson Church of God. Ndipo woyang'anira kumeneko, akumudziwa mwanayo, madokotala anati "akhoza...ayenera kufa nthawi yomweyo, ndi khansa ya mmagazi." Mtsikana wamng'ono, wokoma, mu magawo ake otsiriza tsopano. Iye anabwerera kumeneko ndipo anagwiriziza dzanja lake laling'ono kwa ine, ilo lonse litatupa, ndi masingano ndi zinthu zimene zinalowa mmenemo, ndi buluu. Ine ndinayang'ana pa iye, ine ndinawona masomphenya. Makolowo anali akungowerenga buku kunja uko. Iwo sankadziwa kanthu za izo. Woyang'anira wamkulu pa msasawo kumtunda uko anawauza iwo, anati m'bweretseni mwanayo kuno. Iwo ankafuna kuti adzabwerere

pamene ife tidzakhale ndi msonkhano wa machiritso. Ndipo ine ndinati, "M'bweretseni mwanayo tsopano," ndinamverera kutsogozedwa.

⁹⁵ Pamene ine ndinali nditaima mmenemo, Mzimu Woyeru unabwerera mmbuyo momwe ndipo unakabweretsa mbiriyakale ya mwanayo. Unanena zonse za momwe zinachitikira, zomwe iwo anachita. Unanena chokhumba cha mtsikana wamng'onoyo, chinali kuti adzakhale woyimba limba. Ndipo mayi amenewo anangotsala pang'ono kukuwa. Ndipo abambo awo anati, "Ndicho choonadi cha Mulungu." Nditakhala pomwepo m'galimoto tsopano ndikumvetsera kwa izo, sindimakhoza kulowa, nditakhala kunja uko ndikumvetsera kwa izo tsopano.

⁹⁶ Apo panadzabwera chophimba chachikulu cha mthunzi chikulendewera pa mwanayo. Ndipo ine ndinati, "Satana, iwe wagonjetsedwa." "Inu simulemekeza munthu, Mulungu. Ndipo mwa mphamu ya chiwukitsiro Chanu, ndipo monga wantchito Wanu, ine ndikumuthamangitsa mdierekezi uyu achoke kwa mwanayo." Kuwala kwakukulu kunawalira pamwamba pake, izo zinatha. Ameni. Huh? Ndithudi, Iye ndi woyenera matamando onse!

⁹⁷ Iye amadziwa zinthu zonse. Iye amadziwa mtima wanu. Ndipo inu mukudziwa zimene mukuganiza; Iye amatero, nayenso. Ngati pali tchimo laling'ono lapachikika pa inu usikuuno, ndipo inu simungafune kupita mu Kukhalapo kwa Mulungu ndi ilo pa inu, kodi inu mungakweze dzanja lanu mmwamba kamodzinso ndi kuti, "M'bale Branham, mundipempherere ine, ine ndikufuna ndidzakhale mu Kukhalapo Kwake pa Tsiku limenelo, wopanda cholakwa." Mulungu akudalitseni inu. Manja ambiri, Mulungu akuwawona iwo. Mu Kukhalapo Kwake. Tsopano ine ndikuuzani inu zomwe muti muchite. Tsopano ingomvetserani mwatcheru. Chitani monga Davide anachitira, muwayike Ambuye patsogolo panu pakali pano. Muwayike Ambuye pakati pa inu ndi tchimo limenelo, chirichonse chimene tchimo laling'ono lofooketsa ilo liri. Likhoa kukhala kunama, likhoa kukhala kuba, likhoa kukhala kuganiza zoipa, likhoa kukhala kupysa mtima, likhoa kukhala kuledzera, likhoa kukhala kusuta, likhoa kukhala kutchova njuga. Ine sindikudziwa chiyani. Ilo likhoa kukhala kusilira. Ilo likhoa kukhala chirichonse. Ine sindikudziwa kuti ilo ndi chiyani. Chirichonse chimene ilo liri, muwaike Ambuye patsogolo panu. Ndiyeno mtima wanu udzakondwera, ndipo thupi lanu lidzapumula mchiyembekezo, pakuti inu mukudziwa kuti Khristu analonjeza kuti Iye adzawukitsa kachiwiri mu masiku otsiriza. Pamene Iye adzabwera, ife tidzabwera mu mawonekedwe Ake. Kodi inu simuchita izo tsopano, pamene ife tikupemphera?

⁹⁸ Atate athu Akumwamba, Uthenga wawung'ono wodulidwa ndi wantchito wolema wotopa. Koma ndimangoganizira za

mutu wa "kukhala mu Kukhalapo kwa Mulungu." Ndipo ife tikuwona usikuuno momwe izo zatengera pa amuna oyera kuti abwere mu Kukhalapo Kwanu, momwe izo zinakhudzira pa iwo. Aluntha, aneneri amphamvu odzozedwa ndi Mulungu, ndipo anatumizidwa kudzalalikira Mawu, ndipo komabe akakumana naye Iye maso ndi maso amagwa pansi ngati munthu wakufa. Kodi ife tidzachita chiyani pa tsiku limenelo, Ambuye? Ife taziganizira izo. Ife takhala tikuganizira izo. Manja ena forte kapena fifite akhala akuganizira izo, Ambuye, pakuti iwo angokweza kumene manja amenewo, kapena mitima pansi pa dzanja, akhala akuganizira zokumana naye Iye kuyambira pomwe takhala tikuyankhula. Kodi iwo angakachite chiyani ngati angakumane naye Iye?

⁹⁹ Manja anga, Ambuye, ali mmwamba. Kodi ine ndidzachita chiyani? Tsopano, Atate, ine ndiri nazo zinthu zambiri zimene ine ndimalakwitsa. Ine ndangowulula tchimo langa mmawa muja pamaso pa mpingo, pamene ine ndinaulula ilo kwa Inu pamwamba pa phiri mmawa wina pamene kunali kukuwomba ndi chipale chofewa, ndipo pamwamba apo pamwamba pa phiri, momwe ine ndinalirira ndi kukupemphani Inu kuti mundikhululukire ine chifukwa cha kupusa kwanga. Ndipo momwe ine ndinachitira mantha kuti ndibwere pamaso pa abale anga, amene ena a iwo amanditenga ine ngati mneneri-wantchito Wanu. Ndipo, Ambuye, momwe ine ndinkadana nazo kuti ndibwere pamaso pawo ndi kudzawauza iwo za mchitidwe wopusa kuti ine ndinachita chinthu chonga chimenecho, koma, Mulungu, ndi zabwino kwa moyo wanga kuti ine ndiulule machimo anga ndipo osawabisa iwo. Chotero kuti ndikhale woonamtimma ndi Inu, ndipo pamaso pa anthu pomwe, ine ndavomereza izo, Ambuye. Ndine wolakwa, ndine pamodzi wolakwa. Ine ndikupempherera chikhululukiro.

¹⁰⁰ Ndiyeno, Atate, ine ndakhala wozengereza za Inu, kukutumikirani Inu, nthawi zambiri mwinamwake ndikanapita mataliksapo pomwe ine sindinachite izo. Atate, ine ndikuvomereza machimo anga. Ine ndikufuna Mngelo wa Mulungu kuti andiyeretse ine kwa izo, ndi Magazi a Yesu. Manja ena anakwera mmwamba usikuuno, ena a iwo mwinamwake sanapemphepo nkale lomwe chikhululukiro; koma ndine wotsimikiza za chinthu chimodzi ichi, ngati ife tidzavomereza machimo athu, Mulungu adzawafafaniza iwo, adzawaika iwo mu nyanja ya kuiwala ndipo sadzawakumbukira konse-nkomwe. Ndipo, Atate, pamene ine ndikuvomereza anga, za kuchita mopanda khalidwe pamaso pa anthu amenewo, ine sindinachite ngati wantchito wa Khristu. Ine sindinatero. Ine ndimawopa kuti munthu uja andikwiyyira ine ndipo ndimaganiza kuti sindikufuna kuvulaza kumverera kwake, koma ine sindinaganizire za chimene ndinali kuchita kwa Inu, Ambuye. Ndipo tsopano ine—ine ndikupemphera kuti Inu

mundikhululukire ine. Ndipo tsopano, Atate, ine ndikudziwa kuti ngati ine ndapempha chikhululukiro ine ndakhululukidwa, ndipo Inu mwawaika iwo mu nyanja ya kuiwala, ndipo Inu simudzawakumbukiranso iwo kenanso. Mulungu, ndine wothokoza chifukwa cha zimenezo.

¹⁰¹ Ndipo ine ndikupemphera kuti Inu mumulole munthu aliyense pano, yemwe ali ndi tchimo, tchimo lofooketsa la chirichonse patsogolo pavo, alichotse ilo ndi kukamuika Ambuye patsogolo pavo monga anachitira Davide. Pakuti tsopano ife tikufuula mokweza, “Watsoka ndi ine, pakuti ine ndawona Ulemelero wa Mulungu. Ndine mwamuna wa milomo yonyansa, kapena mkazi kapena mtsikana wa milomo yonyansa, mnyamata, kapena chinachake.” Chirichonse chimene ife tingakhale, ndife onyansa, ndipo ife tikupempha Magazi a Yesu Khristu, Nsembe yoyenera, kuti atiyeretse ife ku tchimo lonse, kuti ife tikakhoze nthawizonse kukhala mu Kukhalapo Kwake. Mutilole ife tipite kuchokera pano usikuuno ndi mitima yathu ikusangalala, ndi mnofu wathu ukupumula mu chiyembekezo, podziwa ichi, kuti pamene Yesu adzabwera, ife tidzaukitsidwa pamodzi ndi Iye mchifaniziro Chake, ndipo tidzakakumana naye Iye mu mlengalenga, mu Mkwatulo, pamene kuwerenga chotsitsa kudzakhala kutatha. Ife tikuwona m'badwo wa mpingo wachisanu ndi chiwiri wawerengedwa kale, ndipo ndife okonzeka tsopano kuti tizinyamuka. Ife tikupemphera, Mulungu, kuti Inu, Inu musanatseke chitseko, ngati alipo mmodzi pano usikuuno yemwe sanalowepo, mulole iwo afulumire kulowa mwamsanga kwenikweni, pakuti ife tikumverera kuti chitseko cha chifundo, pakati pa chifundo ndi chiweruzo, chikutsekedwa. Iwo amene adzalandire chifundo adzalowamo. Iwo amene sadzalowamo adzazunzika ndi chiweruzo. Mulungu adzatseka chitseko. Mulole pasakhale chitseko chotsekedwa usikuuno kwa mmodzi aliyense wa ochimwa amene avomereza awa. Mulole tonse tikhale ndi chikhululukiro ndi chifundo. Mu Dzina la Yesu Khristu.

¹⁰² Ndipo tsopano, Atate, chifukwa cha odwala ndi osautsika, kwa iwo amene ali osowa, Ine ndikupemphera kuti chisomo Chanu chipereke zonse zomwe iwo akuzisowa. Mulole iwo alowe mwa Khristu, mu Kukhalapo Kwake. Akamuike Khristu, Khristu, lonjezo, “Iye anavulazidwa chifukwa cha zolakwa zanga,’ amenewo ndi machimo anga. ‘Ndi mikwingwirima Yake ine ndachiritsidwa,’ ndiyе ine ndikumuyika Ambuye patsogolo pa matenda anga. ‘Iye ali kudzanja langa lamanja, ndipo ine sindidzagwedezeza,’ ndiyе ine ndiyenda molimba mtima, ndikuvomereza kuti ndachiritsidwa. ‘Ndi mikwingwirima Yake ine ndachiritsidwa.’” Perekani izi, Ambuye, kwa wina aliyense wa iwo. Ndipo ife tikudziwa kuti ngati tivomereza ndi mitima yathu ndi, kapena ndi milomo yathu, ndi kukhulupirira mmitima mwathu, ndiyе ife tikhala nacho chokhumba chathu.

¹⁰³ Inu munati, “Inu mukanena chirichonse, mukakhulupirira kuti chichitika, inu mukhoza kukhala ndi zomwe mwanenazo.” Ife tikukhulupirira zimenezo, Atate, ndipo tikukhulupirira kuti Inu mudzatiyeretsa ife ku machimo athu onse, ndi kuchiritsa matenda athu onse, ndi kutipatsa ife chisomo, Ambuye, kuti tikutumikireni Inu.

¹⁰⁴ Mukhale ndi anthu awa. Ambiri a iwo ayenda misewu ya mdima usikuuno. Ambiri a iwo ayenda mamailosi ochuluka. Musalole kuti chirichonse chikawachitikire iwo, Ambuye. Iwo amabwera kudutsa dzikoli kudzakhala pano kuti amvetsere kuwerenga chotsika, kuti adzawone momwe ife tayandikirira ku nthawi yotsiriza. Tsopano ine ndawapempha iwo kuti azipita, kukamuyika Mulungu patsogolo pawo, nthawizonse patsogolo pawo, patsogolo pa china chirichonse. Patsogolo pa ulendo wawo, patsogolo pa kusuntha kwawo, patsogolo pawo...iwo asanadzuke, akapita kukagona, nthawizonse iwo asanagone, kulikonse kumene kuli, akaike Mulungu patsogolo! “Pakuti Iye ali kudzanja langa lamanja, ndipo ine sindidzagwedezeza.” Akatero mulole mitima yawo ikasangalale, podziwa kuti alandira chimene iwo achipempha, chifukwa Mulungu analonjeza izo, ndipo mnofu wawo udzapumula ndi chiyembekezo. Perekani izi, Ambuye, pakuti ife tikupempha izi mu Dzina la Yesu Khristu. Ameni.

Ndidzamyamika Iye, ndidzamyamika Iye,
Kuyamika Mwanawankhosa wophedwera
ochimwa;
Mpatseni Iye ulemelero anthu inu nonse,
Pakuti Magazi Ake atsuka banga lirilonse.

¹⁰⁵ Tsopano kodi inu mukukhulupirira kuti mwamuyika Ambuye pakati pa inu ndi tchimo lanu, pakati pa inu ndi matenda anu, pakati pa inu ndi cholakwitsa chanu, pakati pa inu ndi njira zanu? “Ambuye nthawizonse ali patsogolo panga, ndipo ine ndiri mu Kukhalapo Kwake. Nthawi ina ine ndikadzayamba kuyatsa ndudu, Ambuye ali patsogolo panga. Nthawi ina ndikadzayamba kusilira, Ambuye ali patsogolo panga. Nthawi yotsatira ine ndikadzayamba kunena chirichonse cholakwika, Ambuye ali patsogolo panga. Nthawi ina ndikadzayamba kunena chinthu choipa, Ambuye ali patsogolo panga. Ndipo ine sindidzagwedezeza. Ameni. Ine ndidzakhala mu Kukhalapo Kwake tsiku lirilonse, ndi zochita zanga, tsiku lirilonse ndi zokamba zanga. Ndidzayenda ngati kuti Ambuye ali patsogolo panga, chifukwa usikuuno ndamuyika Iye patsogolo panga. Ine sindidzagwedezeza.” Inu mukumkonda Iye?

¹⁰⁶ Tsopano, tiyeni ife tiimirire tsopano. Oh, ine ndikungomverera bwino kwenikweni. Ine ndikungomverera ngati sindikufuna kupita kunyumba. Ndipo inu mukudziwa kuti angotsala maminiti twente-faivi kuti ikwane naini, ine ndatsala pang'ono kuti ndilawirire ndi maora awiri. Kodi izo

sizopambana? Oh, mai! Koma tsopano pamene tikunyamuka, tiyeni tizikumbukira, ife tiyenera kutenga Dzina la Yesu ndi ife, ngati chishango ku msampha uliwonse. Ndipo pamene mayesero otizinga asonkhana... amayesetsa kutitcha ife kuti tizikumbukira izo, ingopumani Dzina loyera ilo mu pemphero.

Tenga Dzina la Yesu nawe,
 Mwana wachisoni ndi watsoka;
 Lidzakusangalatsa ndi kukutonthoza iwe,
 Oh, litengeni Ilo kulikonse kumene inu mupita.
 Dzina Lofunika (Dzina Lofunika!) O nlokoma
 bwanji!
 Chiyembekezo cha padziko ndi chimwemwe
 cha Kumwamba;
 Dzina Lofunika, (Dzina Lofunika!) O nlokoma
 bwanji!
 Chiyembekezo cha padziko ndi chimwemwe
 cha Kumwamba.

¹⁰⁷ Ndi angati amakondwera nawo abusa athu, M'bale Neville? [Osonkhana akuti, "Ameni."—Mkonzi]. Kodi sindinu othokoza kwa Ambuye chifukwa cha munthu wabwino, woona mtima, wa tsiku lirilonse, amene amakhulupirira Uthenga? ["Ameni."] Ndipo iye akuchita ntchito yabwino kwambiri imeneyo pomvera Malamulo a Mulungu, ndi kulalikira Mawu ndi kusunga chikhaliidwe chachikulu chauzimu ichi mu mpingo nthawi zonse. Kumbukirani, ine ndabwera ku Gombe la Kummawa, ndapita kudutsa Kummwera, ndipo mpaka ku Gombe la Kumadzulo, ndi kudutsa Canada, ndipo ine sindinakumanepo ndi mpingo umodzi womwe uli wauzimu monga mpingo uno pomwe pano. Iwo apita ku mbewu, eya, mwina kutengeka, kapena kupita ku zokunyuka, kapena kuzizira kwambiri iwo basi sangakhoze kusunthika. Ndizo zonse.

¹⁰⁸ Tsopano, kodi inu mumakondana wina ndi mzake? [Osonkhana akuti, "Ameni."—Mkonzi]. Oh, gwiranani chanza wina ndi mzake, ndikutu, "Ambuye alemekazeke."

¹⁰⁹ [M'bale Branham akugwirana chanza ndi anthu—Mkonzi]. Ambuye alemekazeke. Ambuye alemekazeke. Ambuye alemekazeke. Ambuye alemekazeke, mlongo. Ambuye alemekazeke. Wokondwa kuti munala pano, m'bale. Ambuye alemekazeke, mlongo. Mulungu akudalitseni inu. Chabwino. Mulungu akudalitseni inu. Tidzatero. Mulungu akudalitseni inu. Ndikudziwa zomwe inu mukusowa. Mulungu akudalitseni inu. Mulungu akudalitseni inu.

Tenga Dzina la Yesu nawe,
 Monga Chishango ku msampha uliwonse;
 Pamene mayesero pozinga inu asonkhana,
 (Muchite chiyan?)
 Puma Dzina loyeralo mu pemphero.

Dzina Lofunika, (Dzina Lofunika!), O nlokoma
bwanji! (O nlokoma bwanji!)
Chiyembekezo cha padziko ndi chimwemwe
cha Kumwamba;
Dzina Lofunika, (Dzina Lofunika!) O nlokoma
bwanji!
Chiyembekezo cha padziko ndi chimwemwe
cha Kumwamba.

¹¹⁰ Tiyeni ife tiweramitse mitu yathu tsopano. Mofewa kwenikweni, tiyeni tisaiwale zimenezo tsopano. Tiyeni tiyimbenso ndime imeneyo.

Tenga Dzina la Yesu nawe, (Kwa chiyani?)
Ngati Chishango ku msampha uliwonse;
(Pamene Satana ayesere kuti akuwopsyezeni
inu.)
Pamene mayesero pozingga inu asonkhana,
(Muchite chiyani?)
Ingopumani Dzina loyera ilo... (“Pakuti
Ambuye ali patsogolo panga; ine
sindidzagwedezeza!”)
Dzina Lofunika, (Dzina Lofunika!), O nlokoma
bwanji!

M'bale Neville.



MU KUKHALAPO KWAKE CHA62-0909E
(In His Presence)

Uthenga uwu wa M'bale William Marrion Branham, woperekedwa mu Chingerezi Lamlungu madzulo, Seputembala 9, 1962, ku Branham Tabernacle mu Jeffersonville, Indiana, U.S.A., unatengedwa kuchokera pa matepi ojambulidwa ndi maginito nudindidwa mosachotsera mawu ena mu Chingerezi. Kumasulira kwa Chichewa uku kunadindidwa ndi kugawidwa ndi Voice Of God Recordings.

CHICHEWA

©2023 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chidziwitso kwa ofuna kusindikiza

Mafulu onse ndi osungidwa. Bukhu ili mukhoza ku printa kunyumba kwanu ngati mutafuna kuti mugwiritse ntchito inuyo kapena kuti mukawapatse ena, ulere, ngati chida chofalitsira Uthenga wa Yesu Khristu. Bukhu ili simungathe kuligulitsa, kulichulukitsa kuti akhalepo ambiri, kuikidwa pa intaneti, kukaliika pakuti ena azitengapo, kumasuliridwa mu zinenero zina, kapena kugwiritsidwa ntchito ngati njira yopezera ndalama popanda chilolezo chochita kulembedwa ndi a Voice Of God Recordings®.

Ngati mukufuna kuti mumve zambiri kapena ngati mukufuna zipangizo zina zimene tiri nazo, chonde mulembere ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org